

醫方類聚卷之三十一

傷寒門

五

無求子活人書


二

卷第八

此一卷論發熱大抵傷寒寒多易治熱多



難愈寒發熱者以其寒極則生熱治法多用冷藥故合熱不去仲景熱多寒少用桂枝二越婢一湯不渴外有微熱者用小柴胡加桂湯皆溫表之義也近時多行小柴



胡湯不問陰陽表裏凡傷寒家皆令服之  
 此藥差寒不可輕用雖不若大柴胡湯小  
 承氣湯之緊然藥病不相主其為害一也  
 往往因服小柴胡湯而成陰證者甚多仲  
 景雖云傷寒中風有柴胡證但見一證便  
 是不必悉具此為是少陽證當服小柴胡  
 不必少陽證悉具耳况本方又有加減隨  
 證增損古人方治審諦如此後人妄投良  
 可怪也

五十問發熱

發熱而惡寒者屬太陽也太陽病必發熱而惡寒蓋太陽主氣

以溫皮膚分內寒氣留於外皮膚緻密則寒

慄而發熱宜發其汗麻黃湯正方廿大青龍

湯正方卅五主之若發熱微惡寒者柴胡桂

枝湯正方卅五主之若發熱微惡寒者柴胡桂

之若吐利而發熱惡寒者霍亂也太陽病發

熱而渴不惡寒為溫病若發汗已身體灼熱

者為風身熱汗出漉漉然者屬陽明也陽明

溫也浮者宜桂枝正方一微汗之脈實者調胃承  
 氣湯下之正方四三大便不秘者白虎湯和  
 解正六十四若陽明病發汗多者宜大承氣  
 湯急下之正四十一蓋汗多發熱者胃汗乾  
 故也仲景云太陽證汗後不惡寒但熱者實  
 也當和其胃氣宜調胃承氣湯正四三太陽

病三日發汗不解蒸蒸發熱者屬於胃也宜下之脈細頭疼嘔而發

熱者屬少陽也少陽發熱小柴胡湯主之

病人不渴外有微熱者小柴胡加桂也雜世

柴胡加桂主表熱最良此法不特傷寒也仲

景表有熱者小柴胡加桂也裏有熱者白虎

加人參也正六五大抵身熱不飲水者為表

熱也口燥煩渴者為裏熱也二藥均治發熱

然分表裏不發汗已身灼熱者名風溫素問

出而身熱者風熱也其人素傷於風因復傷

於熱風熱相薄即身熱常自汗出此名風溫

在第六卷病人無表裏證發熱七八日肝雖

浮數宜大柴胡湯下之正三十大便假令已

下脈數不解今熱則消穀善飢至六七日不

大便者有瘀血也抵當湯主之正九若傷寒

差後更發熱者小柴胡湯正廿主之以汗解

脈實者又問陰證有發熱者乎太陰厥陰皆

可下之不發熱只少陰發熱有二證仲景謂之反發

熱也少陰病初得之發熱脈沉者麻黃細辛

附子湯正廿主之少陰病脈沉發汗則動經

發熱在表亦當以小辛之藥泄汗而溫散也

仲景云傷寒之病從風寒得之表中風寒入

裏則不消須用少陰病下利清穀裏寒外熱

溫藥少汗而解

手足厥逆脉不出者通脉四逆湯主之正八十一

大抵陰證發熱終是不同脉須沉或下利手

足厥也

五十問熱多寒少

太陽熱多寒少有三證有熱多寒少而不嘔

清便自可者有熱多寒少而脉微弱者有熱

多寒少而尺脉遲者其用藥皆不同也 太

陽病八九日如瘧狀熱多寒少不嘔清便自

可宜桂枝麻黃各半湯正方熱多寒少而脉

都大微弱者無陽也不可發汗宜桂枝二越

婢一湯正方主之若脉浮雖熱多寒少亦自可發汗熱多寒

少而尺中遲者血少也先以小建中加黃耆

正卅以養其血尺尚遲再作一劑然後晬南陽

活人書時用小柴胡湯正卅桂枝二越婢一

湯正三輩小劑隨證治之

五十問潮熱

潮熱者大率當下仲景云潮熱者實也大承

氣湯證云其熱不潮未可與也則知潮熱當

下無疑矣雖然更看脉與外證脉若弦若浮及外證惡寒猶有表證且與小柴胡湯以解

之正廿九若腹大滿不通者可與小承氣正四二

散和其胃氣勿令大泄也仲景云日晡發熱者屬陽明也脉實

者大承氣正四一大柴胡也縱使潮熱當行

大承氣亦須先少與小承氣若不轉失氣不

可攻之後發熱復硬者大柴胡下之正三十一若

胃脇滿而嘔日晡發潮熱者小柴胡加芒消

正卅四主之又有日晡發潮熱已而微利者

又有微發潮熱而大便溏者或潮熱而咳逆

者皆當用小柴胡也正廿九傷寒卅三日不

潮熱已而微利潮熱者實也先服小柴胡以

解外後以柴胡加芒消湯下之陽明潮熱大

便溏胸滿不去冬陽明潮熱當行黃芩湯冬

者小柴胡主之明病脉浮而緊必發潮熱發作有時但已上

脉浮者必盜汗黃芩湯主之正八五潮熱並屬陽明也 太陽有潮熱乎仲景大

陷胃湯一證正卅八結胃有潮熱者為大結胃屬太陽也

五斗問往來寒熱者陰陽相勝也陽不足

則先寒後熱陰不足則先熱後寒

往來寒熱有三證小柴胡湯大柴胡湯柴胡

桂枝乾薑湯 有表證而往來寒熱者用小

柴胡也正廿九有裏證而往來寒熱者大柴胡

也正三十已表或已下而往來寒熱者皆可用

柴胡桂枝乾薑湯也正卅二仲景云血弱氣盡

腠理開邪氣因入與正氣分爭往來寒熱休

作有時小柴胡主之又云傷寒五六日中風

往來寒熱胃脇苦滿默默不欲食心煩喜嘔

或胃煩而不嘔或渴或腹中痛或脇下痞鞭

或心下悸小便不利或不渴身有微熱或欬

者小柴胡主之傷寒十餘日熱結在裏往來

寒熱者大柴胡主之傷寒五六日已發汗復

下之胃脇滿小便不利渴而不嘔頭汗出往

來寒熱心煩柴胡桂枝乾薑湯也

五十九問傷寒瘧狀

形證似瘧有太陽證有陽明證有婦人熱入

血室證 太陽證服桂枝湯正一大汗出脉洪

大者與桂枝湯如前法若形似瘧一日再發者汗出必解宜桂枝二麻黃一湯正三傷寒八九日如瘧狀熱多寒少其人不嘔清便欲自可日一二發者麻黃桂枝各半湯太湯證形似瘧寒熱等者與桂枝二麻黃一湯熱多有陽明證病寒少者麻黃桂枝各半湯正二人煩熱汗出如瘧狀日晡發熱而脉浮虛者與桂枝湯脉實者宜承氣湯正四婦人熱入血室其血必結故使如瘧狀小柴胡主之正九

十六問汗之而寒熱者

太陰證發汗後依前寒熱者須看脉如何若脉浮數或洪大則表證猶在當再表也如桂枝湯正一或桂枝二麻黃一正三之類醫人爲見已汗或已下而發寒熱不敢再表誤矣蓋脉浮爲在表表之必愈也 或得汗而解復如瘧狀日晡而發者此屬陽明也若脉實者可下之宜大柴胡正三大承氣正四也 若發汗後只惡寒者虛也發汗後只發熱者實也

只惡寒屬芍藥甘草附子湯正二只發熱屬

調胃承氣湯正三若厥陰證大汗出熱不去

內拘急四肢疼又下利厥逆而惡寒者四逆

湯主之正五

六十問汗之而仍發熱者

素問云溫病汗出輒復熱而脈躁疾不為汗

衰狂言不能食謂之陰陽交交者死也又云

熱病已得汗而脈躁盛者死今不與汗相應

是不勝其病也其死明矣大抵病人得汗而

脈靜者生今汗之而仍發熱者若脈浮數則

表證猶在汗之必愈也仲景云發汗解半日許復熱煩脈浮數者

可更發汗宜桂枝湯正一發汗後不敢再表者為脈沉實

耳脈若浮者須再汗也發汗後不惡寒只發

熱脈沉實或狂語此為胃實陽盛即不可再

汗也須當下之設令下後又不解表裏邪亦

衰矣仲景云太陽病三日發汗不解蒸蒸發熱者宜調胃承氣湯正四三和其胃氣

也太醫云若傷寒得汗後熱不退發昏及狂

言者便可用承氣湯正四二下之立愈未差

再服若汗後熱不解但心下痞嘔逆又自利大

柴胡去大黃主之正三又有太陽證合行桂

枝却用麻黃之類發汗多亡陽仍發熱者真

武湯正百五主之更有風溫一證初得病發

熱而渴不惡寒雖發汗已身灼熱者為風溫

犀萎蕤湯雜四五岐伯所謂汗若傷寒得汗

後病解虛羸微熱不去可行竹葉石膏湯正九

五隨其虛實而治之

六十問下之而熱不退者勞復食復附

仲景云病人脉微而瀼為鑿所病大發其汗

使陽氣微又大下之使陰氣弱其人亡血病

當惡寒後乃發熱無休止時蓋陽微則惡寒

陰弱則發熱陽微惡寒四逆湯主之正七陰

弱發熱為內熱葶藶苦酒湯主之雜十六大抵

傷寒八日已上大發熱者此為難治仲景云

俱虛熱不止者死又有鑿人多用圓子藥下之身熱

不去微煩者梔子乾薑湯主之正四傷寒五

六日大下之後身熱不去心中結痛者未欲

解也梔子豉湯主之正五又問傷寒差後發

熱者何也此名勞食復也病新差血氣尚虛津液未復因勞動生熱熱氣既還復入經絡

名曰勞復仲景云傷寒差已後更發熱小柴

胡湯主之正廿九脉浮者以汗解宜柴胡桂枝湯正卅一

脉實者以下解宜大柴胡湯正三十又大病差後勞復

者枳實梔子湯主之正九麥門冬湯雜百廿六雄

鼠屎湯雜七七味葱白湯雜百十八皆可選用

又食復者大病新差脾胃尚弱穀氣未復強

食過多停積不化因爾發熱名曰食復大抵新病

差多日傷食便作痞乾噫食臭腹中雷鳴下劑等證可與生薑瀉心湯正六十三仲

景於枳實梔子湯證云若有宿食內大黃如

薄棊子五六枚服之愈黃帝曰熱病已愈時

日諸遺者熱甚而強食故有所遺也若此者皆病已衰而熱有所藏因其穀食相薄兩熱

相合故有所遺也帝曰善治遺奈何岐伯曰視其虛實調其逆從可使必已食肉則復多

食則遺此其禁也

卷第九

此一卷自論惡寒大抵太陽病必發熱而

惡寒惡寒家慎不可過當覆衣被及近火

氣寒熱相薄脉道沉伏愈令病人寒不可  
遏但去被徹火兼飲以和表之藥自然不  
惡寒矣婦人惡寒尤不可近火寒氣入腹  
血室結聚針藥所不能治矣

六十問惡寒

惡寒有二證發熱而惡寒者發於陽也無熱  
而惡寒者發於陰也發於陽者宜解表脉必  
浮數屬桂枝湯正一桂枝二越婢一湯正四麻黃  
湯正二青龍湯正六證也發於陰者宜溫裏

脉必沉細屬理中湯正四四逆湯正五證也

少陰病下利已惡寒而蹠手足溫者可治宜

建中湯正卅七若少陰病惡寒而蹠時時自

煩不欲厚衣用大柴若發熱微惡寒者屬柴

胡湯下之正三十胡桂枝湯也正卅一發汗後反惡寒者虛故也

屬芍藥甘草附子湯正二脉微而惡寒者此

陰陽俱虛也不可更吐下也發汗面色赤有

熱者為欲解宜桂枝麻黃各半湯正二傷寒大

下後復發其汗心下痞惡寒者表未解也不

可攻其痞當先解表表解乃可攻痞解表宜

桂枝湯

正一

攻痞大黃黃連瀉心湯

正五

雖然

太陽陽明少陰皆有惡寒要之太陽病或已

發熱或未發熱必惡寒也陽明證俱宜下唯

惡寒中寒為病在經與太陽合病屬表發其

汗耳若吐若下後七八日不解熱結在裏表

裏俱熱時時惡寒者白虎證也

正六

又問有

汗出惡寒者有汗出多而微惡寒者有頭汗

出而微惡寒者何也仲景云太陽病其人發

熱汗出復惡寒不嘔但心下痞者此以醫下

之也心下痞而復惡寒汗出者附子瀉心湯

主之

正六

陽明病脈遲汗出多微惡寒者表

未解也可發汗宜桂枝湯也

正一

頭汗出而微

惡寒者屬少陽宜小柴胡湯也

正九

又問背

惡寒者何也背惡寒有兩證三陽合病背惡

寒者口中不仁口燥舌乾也少陰病背惡寒

者口中和也以此別之口中不仁口燥舌乾

而背惡寒者白虎加人參湯主之

正六

口中

和而背惡寒者附子湯主之

正八

正六

仍灸之

仲景

云少陰病得之二三日中和其背惡寒者當灸之附子湯主之

六十問惡風

惡風者衛中四時之虛風所以惡風也其八當汗出而脉緩也數與桂枝湯正桂枝加葛根湯正使遍體微潤連日當自解矣又八有太陽病發汗多亡陽遂漏不止衛虛而惡風者當溫其經也其人惡風小便難四肢微急難以屈伸者桂枝加附子也正若傷寒四五日身熱惡風頸項強脇下滿手足溫而渴

者小柴胡湯也

正廿九

風濕相薄骨節疼煩掣

痛不得屈伸汗出短氣小便不利惡風不欲

去衣或身微腫者甘草附子湯主之

正七二

六十問傷寒不得汗

甲乙經云熱病脉常躁盛而不得汗者此陽脉之極也死脉盛躁而得汗者生大抵傷寒榮衛俱病則無汗麻黃湯正二葛根湯正廿大青龍湯正卅葱鼓湯雜七可選而用之若傷寒連服湯劑而汗不出者死如中風法

蒸之溫熱之氣於外迎之无不得汗也薪火燒地

良久掃除去火可以水洒之取蚕沙栢葉桃

葉糠麩皆可相和鋪燒地上可到手厚上

鋪席令病人當上臥溫覆之夏月熱只布單

覆之汗移時立至俟周身至脚心皆汗桑葉

乃用溫粉擦止汗移上來最得力者蚕少桃

栢葉也無蚕沙亦得單桃栢亦得葫藿亦可

用麩糠乃助添令傷寒亦有氣虛不能作汗

多示不用亦得者仲景云脉浮而遲遲為無陽不能作汗其

身必痒宜桂枝麻黃各半湯主之正陽明病

法多汗反無汗如蟲行皮中狀者此久虛故

也宜木附湯正三十七黃

六十問自汗

傷寒無汗者七證自汗者九證太陽傷寒無

汗剛痊無汗太陰病無汗少陰病無汗厥陰

病無汗陰易無汗陽明反無汗此七證也仲景

小柴胡證云陰不得有汗蓋陰證無汗或有

汗者亡陽也○一本云凡少陰證無汗類麻

黃湯之證然類麻黃證脉陰陽但系少陰脉

微細為異也又汗出為陽微故仲景云陰不

得有汗脉陰陽但緊而反自汗者九證衛不

和自汗愈者衛無它病時發熱自汗出而不

又云病常自汗出者此為榮氣和榮氣者  
 外不諧也以衛氣不共榮氣諧故余以榮行  
 脉中衛行脉外復發傷風自汗太陽病發熱  
 其汗榮衛和則愈  
 緩為中風屬桂枝湯正一汗出而渴者五苓  
 散不渴者茯苓甘草湯雖然仲景曰傷風自  
 汗用桂枝然桂枝湯難用須是子細消息之  
 假令傷風自汗若脉浮而弱緩當持桂枝服  
 湯後用桂枝自汗息證候而煩者即不可再  
 也若傷風自汗出而小便數者切不可與桂  
 枝也仲景云太陽病自汗四肢拘急難以屈  
 伸若小便難者可桂枝湯內加附子服之若  
 小便數者慎不可與桂枝湯附子湯宜服芍  
 甘草湯若候行桂枝附子攻表便咽乾煩躁  
 厥逆嘔吐作甘草乾姜湯與之以復其陽若  
 厥愈足温更作芍藥甘草湯與之其脚即伸  
 若胃氣不和讞語者與調胃承氣湯微溏則  
 止其讞語緣芍藥甘草湯主之脉浮自汗小

便數者寸口脉浮為風大為虛風則生微熱  
 虛則兩脚攣小便仍下出為津液少不可  
 誤用桂枝宜服芍藥甘草補虛退風熱通治  
 誤服桂枝湯後病證仍存者一本又云大  
 陽病項背強几几反汗風溫自汗太湯病不  
 出惡風桂枝加葛根湯汗已身灼熱者名風溫  
 惡寒者為温病若發汗已身灼熱者名風溫  
 風溫為病脉陰陽俱浮自汗出身重多眠垂  
 鼻息必齟語言難中濕自汗難經云何以知  
 屬萎痺湯雜四五難中濕自汗傷濕得之然當  
 喜汗出不可止何以言之腎主濕中暑自汗  
 故知腎入心為汗出不可止也  
 太陽中熱者喝是也其人汗出惡陽明病自  
 寒身熱而反屬白虎湯正六四  
 汗不惡寒反惡熱濺濺然汗自出者屬陽明  
 散也若陽明病汗出多而渴者不可與五苓  
 散以汗多胃中燥發熱汗冬者急下之陽明病  
 仲景云陽明病發熱汗冬者急下之陽明病

其人于多以津液外出胃中燥大便必硬讞  
語者焉調胃承氣湯正四三雖然陽明汗多  
急下若小便自利者此為津液內竭雖亦不  
可攻之須自大便導之宜用蜜煎法正百  
二陽明病汗出而脈遲微惡寒者表未解也  
宜桂枝湯正一陽明法多汗則脈浮無汗而  
喘者發汗則愈宜亡陽自汗遂漏不止其人  
麻黃湯正二十桂枝加附子湯正六傷寒人  
惡風常溫其經宜桂枝加附子湯正六傷寒人  
尺寸脈俱緊而汗出者亡陽也此屬少陰法  
常咽痛而復吐利其人熱不夫內拘急四肢  
疼厥逆而惡寒者四逆湯正七五主之汗多  
不止者可用溫粉撲之若汗多不止必惡風  
煩躁不得臥者先服防風白朮牡蠣湯雜一  
次服小建中柔痙自汗搖頭口噤背反張汗  
湯正卅七中柔痙自汗搖頭口噤背反張汗  
出而不惡寒者名柔痙小霍亂自汗吐利汗  
續命湯主之也雜五七

惡寒四肢拘急手足厥冷雖然少陰不得有  
者四逆湯主之正七五 雖然少陰不得有  
汗而少陰亦有反自汗出之證陰證四肢逆  
背冷汗澀澀 陽明病法多汗而陽明亦有反  
者亡陽也 無汗之證不可不察也

六十問頭汗出

病人表實裏虛玄府不開則陽氣上出汗見  
於頭凡頭汗出者五內乾枯胞中空虛津液  
少也慎不可下下之者謂之重虛然頭汗出  
者有數證傷寒五六日頭汗出微惡寒手足

類聚 三十一 卅六

冷心下滿口不欲食大便鞭脈細者此為陽  
微結必有表復有裏也脈沉亦有裏也汗出  
為陽微假令純陰結不得復有外證悉入在  
裏此為半在裏半在外也脈雖沉緊不得為  
少陰病所以然者陰不得有汗今頭汗出故  
知非少陰也小柴胡湯主傷寒五六日已汗  
下胃脇滿微結小便不利渴而不嘔但頭汗  
出往來寒熱心煩者此表未解也柴胡桂枝  
之正病人但頭汗出身無汗劑頸而還小便  
卅二

不利渴引水漿者此為痰熱在裏身必發黃  
五苓散正六二茵陳湯正九三陽明病下之其外有熱手足  
溫不結胃心中懊懣飢不能食但頭汗出者  
梔子豉湯主心下緊滿無大熱頭汗出者茯苓  
之正四五湯主之雜入四仲景云傷寒心下系滿無大  
熱但頭汗出者此名為水結有胃脇以頭汗  
出別水結證小半夏加茯苓湯雜入二陽明病下血讞語者為  
熱入血室但頭汗出者刺期門隨其實而瀉  
之汗出則愈汗出讞語者有燥屎也過經乃  
實裏虛故也

六十問頭疼

頭疼者陽證也太陽證頭疼必發熱惡寒無汗者麻黃湯正二有汗者桂枝湯若已發汗或未發汗頭痛如破者連鬚葱白湯雜七服湯不止者葛根葱白湯正廿九脉弦細頭痛發熱者屬少陽也少陽不可發汗小柴胡主之正廿九陽明證頭疼不惡寒反惡熱胃實故也陽明氣實故攻頭也調胃承氣湯正四三仲景云傷寒不大便六七日頭疼有熱主之者與承氣湯其小便清者知不在裏續

在長也當須發汗若頭疼者必動屬桂枝湯正一太陰少陰經從足

至胃俱不至頭唯厥陰經挾胃屬肝絡膽循喉嚨上頰額連日出額故太陰少陰並無頭疼之證仲景只有厥陰一證吳茱萸湯正一百治乾嘔吐涎沫頭疼而已大抵屬三陽者頭疼為多也孫真人云陽傷寒者體熱頭疼是也陰傷寒者不壯熱不頭痛是也若非次頭疼胃中滿及發寒熱脉緊而不大者即是鬲上有涎宜用瓜蒂末一錢暖水調下吐涎立愈 又問病人頭疼鼻塞而煩者

何證也此屬濕家頭中寒濕故鼻塞而頭疼

也內瓜蒂末鼻中則愈法在發黃門中

六十問身體痛身痒附

太陽少陰厥陰皆有身體痛當以外證與脉

別之太陽證表解未脉浮緊法當身體痛宜

麻黃湯正二以汗之脉浮緊當身體疼痛宜以汗解假令尺脉遲者

不可發汗何以知其然榮氣不足血少故也尺脉遲者先以小建中湯以養之正三七脉

浮者麻黃湯主之太陽中濕一身盡痛發熱身黃小

便不利病人中濕因而傷風風濕相薄一身

痛重是名風濕當於風濕中求之味黃加木湯主之雜

百廿若脉沉自利而身體痛者陰證也急當

救裏宜四逆湯正七附子湯正六真武湯百廿

五之類以温之大抵大便利而身體疼者當救裏大便如常而身體痛者

急當救表不可不知也或身重背強腹中絞痛咽喉不

利身如被杖者當作陰毒治之又問發汗

後身疼痛脉沉而遲當用何藥仲景有桂枝

加芍藥生姜人參新加湯正十蓋為此證也

小建中湯正七兼治汗後身疼脉沉而遲者

若霍亂吐瀉止而身疼痛不休者少與桂枝湯正即愈金匱要略云瘡家雖身體痛不可發汗汗出作瘡 又問身痒者何也脉浮而遲遲為無陽不能作汗其身必痒太陽病七八日脉微而惡寒以陰陽俱虛不可更發汗更下更吐也小柴胡湯主之正二十若重反無熱人可芍藥甘草附子湯正七二面赤有素者未欲解也以其不能得小汗出身必當痒宜桂枝麻黃各半湯正

比 司筋惕肉瞤頭眩身搖

太陽病發汗不解發熱心悸頭眩身瞤動欲擗地者屬真武湯百卅大凡發汗過多即身瞤動振搖虛羸之人微發汗便有此證俱宜服真武湯羸甚者去芍藥或少用之有熱證惡熱藥者去附子餘依本方加減法詳之傷寒若吐若下後心下逆滿氣上衝胃起則頭眩脉沉緊發汗則動經身為振搖者茯苓桂枝白朮甘草湯主之正五傷寒應發汗而

類聚  
三十一  
二十七

動氣在左不可發汗發汗則頭眩汗出筋惕  
肉瞤此為逆難治且先服防風白朮牡蠣散

雜  
二次服建中湯正卅七

一  
七十問喘

傷寒喘只有太陽陽明二證 太陽病頭疼

發熱身疼惡風無汗而喘者宜汗屢麻黃湯

正廿桂枝證醫反下之利遂不止脈促者表未解也喘而汗出者葛根黃芩芍藥連湯也正廿八太陽病下之微喘者表才解故也桂枝加厚朴杏子湯也正十九發汗後不可更行桂枝湯汗出而喘無大熱者可與麻黃湯也正二十一  
陽明病

汗出不惡寒腹滿而喘有潮熱者宜下屬承

氣湯正四二然陽明病脈浮無汗而太陽與喘發汗則愈宜麻黃湯正二十

陽明合病喘而胃滿者不可下宜麻黃湯

又發汗後飲水多欬而微喘者水停心下腎

氣乘心故也小青龍去麻黃加杏仁正卅六小

腹滿者去麻黃加茯苓也正卅六又問麻黃

治心下有水而喘不當汗也小便不利小腹滿故去麻黃加茯苓也○南陽活

人書陰證喘促者惟返陰丹主之

七十問渴

類身三十一  
二一

脉浮而渴属太陽傷寒表不解心下有水氣

括樓根正卅六太陽病服桂枝大汗出後大

煩渴者白虎加人參正六五脉浮小便不利

微熱消渴者五苓散正六六傷寒四五日身

熱惡風脇下滿手足温与渴者小柴胡去半

夏加人參括樓根主之正廿九太陽證身

灼熱而渴者為風温活妻眼易主之雜四上

七有汗而渴屬陽明白虎加人參湯主之虛

竹葉石膏湯正九五陽明病且頭汗出小便

不利渴引水漿身必發黃宜茵陳湯正九三

小柴胡去半夏加人傷風寒熱或發熱惡風

參括樓根正廿九傷風寒熱入於藏

而渴屬少陽少陽脇下鞅不大便而嘔舌上

參括樓湯自利而渴屬少陰

湯主之正百八切戒太陽證無汗而渴者

不可與白虎湯仲景云渴欲飲水無表證者

汗是表未解也不可與白虎湯薏苡小青龙

去半夏加栝樓也正三六傷寒四五日身熱

惡風脇下滿手足温而渴者小柴陽明證汗

胡去半夏加人參括樓也正廿九

多而渴者不可與五苓散汗多胃中燥猪苓

薏苡竹葉湯與之仲景云陽明然太陽病渴

病發作有時汗出多者急下也

終不可與白虎耶太陽證得汗後脉洪大而

渴者方可與之也陽明病渴終不可與五苓

少陰主腎腎惡燥故渴而引飲少陰下利飲

而區渴猪苓湯主之正六七下利飲水者

以有熱也白頭翁

湯主之正百八

切戒太陽證無汗而渴者

不可與白虎湯

仲景云渴欲飲水無表證者

汗是表未解也不可與白虎湯

薏苡小青龙

耶陽明證小便不利汗少脉浮而渴者方可  
 與之此皆仲景之妙法也仲景猪苓湯證亦云脉浮發熱渴欲  
 飲水小便不利者猪苓湯主之正六七  
 若小渴咽乾者小小呷滋潤之令胃中和若  
 大渴煩躁甚能飲一斗者與五升飲之若全  
 不與則乾燥無由作汗發喘而死常人見因  
 渴飲水得汗小渴遂劇飲之致停飲心下滿  
 結喘死者甚衆當以五苓散正六或陷胃丸  
 正卅與之金匱要略云得時氣至五六日而飲欲飲水不得多不當與也何者

以腹中熱尚少不能消之便更為人作病矣  
 至七八日大渴欲飲水猶當依證與之常令  
 不足勿極意也凡人但見仲景云得病反能  
 飲水此為欲愈遂小渴者乃強飲之因成其  
 禍不可勝數大抵傷寒水氣皆因飲水過多  
 所致水停心下氣上乘心則為悸為喘結於  
 胃脇則為水結胃中虛冷則為嘔為噦冷  
 氣相薄則為水結胃中虛冷則為嘔為噦冷  
 則為利邪熱所薄畜於下焦則為小便若陽  
 不利小便便滿或裏急溢於皮膚則為腫  
 毒治常躁盛大渴者黑奴丸主之雜二中暑  
 伏熱深累取不差其人發渴不已酒蒸黃連  
 丸主之雜七

七十問鼻衄

傷寒太陽證衄血者乃解蓋陽氣重故也仲  
 景所謂陽盛則衄若脉浮緊無汗服麻黃湯  
 正二不中病其人發煩目瞑劇者必衄小衄  
 而脉尚浮緊者宜再與麻黃湯也衄後脉已  
 微者不可行麻黃湯也若脉浮自汗服桂枝  
 湯正一中病桂枝證尚在必頭疼甚而致衄  
 小衄而脉尚浮者宜再與桂枝也衄後脉已  
 微者不可行桂枝湯也大抵傷寒衄血不可  
 發汗者為脉微故也治法衄家不可發汗汗  
 出額上陷脉緊急直視

不能辨不得既然而無汗而衄脉尚浮緊者  
 須再與麻黃湯有汗而衄脉尚浮緩者其再  
 與桂枝脉已微者黃芩芍藥湯雜七犀角地黄  
 湯雜八衄血不止者茅花湯雜八若衄而渴  
 心煩飲則吐水先服五苓散正六次服竹葉  
 湯正九又問陰證有衄血者乎陰證自無熱  
 何緣有衄若少陰病但厥無汗強發之必動  
 血未知從何道出或從口鼻或從耳目是謂  
 下厥上竭為難

七十問腹滿身重難以轉側口中不仁而

垢讖語遺尿

此三陽經合病也白虎湯主之四六不可發

汗汗之則讖語下之則額上生汗手足逆冷

若白汗者白虎加人參也正六五又第

卷第十

此一卷首論結胃與痞蓋病發於陽下之

早即為結胃發於陰下之早即為痞然結

胃與痞相似但以痛不痛為異耳心下滿

而硬痛者為結胃但接之滿不痛者為痞

醫家不審一有差互立致危殆結胃屬陷  
胃證痞屬瀉心證其詳各於逐問備論之  
矣

七十問心下緊滿按之石硬而痛

此名結胃也傷寒本無結胃應身熱下之早

熱氣乘虛也入痞結不散便成結胃若已誤

未成結胃者急與理中湯服正七四自然

解了更不作結胃蓋理中治中焦故也此古

人亦說不到後因人消息得之若大段轉損  
有厥證者兼與四逆湯正七五便安胃中雖  
和傷寒未逆者即候日數足可下却以承其  
氣再下之正四二蓋前來下得才是故也

類聚  
三十一  
二十五

證心下緊滿按之石硬而痛頃強如柔瘥狀  
發熱汗出不惡 其脉寸口浮關尺皆沉或沉  
寒名曰柔瘥 緊名曰結胃也治結胃大率當下  
仲景云下之則和  
然脉浮與大皆不可下下之則死尚宜發汗  
也 仲景云結胃脉浮者不可下只可用小陷  
胃湯正四十大抵脉浮是尚有表證兼以  
小柴胡湯等正廿九先發表  
表證罷方用下結胃藥便安 西晉崔行功云  
傷寒結胃欲絕心隔高起手不得近用大陷  
胃湯正卅八皆不差者此是下後虛逆氣已不  
理而毒復上攻氣毒相薄結於胃中當用枳

實理中圓雜八先理其氣次療諸疾古今用

之如神應手而愈 然結胃有三種有大結

胃不按而痛胃連臍腹堅硬為大有小結胃

按之心下痛為小結胃有水結在胃脇間亦

名結胃頭暈汗出但結胃無大熱此水結在

柴胡去棗加牡又有寒熱二證有熱實結胃

礪主之正廿九又有寒熱二證有熱實結胃

者皆熱證也大陷胃湯主之正卅八有寒

實結胃寒實結胃無熱證者三物白散正近  
世治結胃多行金針丸用硫黃陽起石者若

寒實結胃行之或有差者若熱實結胃行之必死也 又問大陷胃湯與大陷胃丸如何大陷胃用甘遂太峻不可輕用須量虛實輕重不得已即大陷胃丸最穩 又問聖餅子灸臍中如何此尤不可用也 又云藏結無陽證不往來寒熱其人反靜舌上胎滑者不可攻也二者病人脇下舊有痞連在臍傍痛引小腹入陰筋者亦名藏結死不治 又問藏結者何也藏結者死仲景無治法大抵藏

結其證如結胃狀飲食如故時時下利陽脉浮關脉小細沉緊名曰藏結舌上白胎滑者難治也

七十問心下滿而不痛

此名痞也傷寒本無痞應身冷醫反下之遂

成痞枳實理中丸雜八最良仲景治痞氣諸

心湯正六三半夏瀉心湯正仲景云滿而不

痛者為痞柴胡不中與也半夏瀉心湯主之

此湯藥味蓋本理中人參黃芩湯方也審知是痞先用桔梗枳

類聚三十一

三十一

穀湯尤妙維八緣桔梗枳殼行氣下鬲先用之無不驗也結胃與痞關脉須皆沉若關

脉浮者大黃黃連黃芩瀉心湯正五主之關

則結熱三若復惡寒汗出者附子瀉心湯正六

渴口燥煩小便不利者五苓散正六主之

汗出表解而胃中不和心下痞鞭乾噫食臭

脇下有水氣腹中雷鳴下利者生薑瀉心湯

主之正六下利日數十行穀不化腹中雷鳴

心下痞鞭而滿此以醫下之也若復下之其

痞益甚甘草瀉心湯主之正六盖此非結熱

以胃中虛客氣上逆故使鞭也下利而心

下痞服生薑瀉心湯甘草瀉心湯利不止者

當治其下焦赤石脂禹餘糧湯主之正百盖

生薑瀉心甘草瀉心皆治中焦此利在下焦

若只治中焦則利益甚耳服赤石脂禹餘糧

湯利復不止當利其小便五苓散主之凡

痞服瀉心湯不愈然後可用陷胃丸正卅下

之不不用陷胃湯益大抵結胃與痞皆應下

然表未解者不可攻也仲景云當先解表表

解乃可攻痞解表宜桂枝湯正攻痞宜大黃

黃連黃芩湯正五九外證未解心下妨悶者

非痞也謂之支結柴胡桂枝湯

主之正卅一胃脇滿微結小柴胡若太陽證

未除而數下之遂恟熱而利利不止心下痞

鞭表裏不解者桂枝人參湯主之正十棗

湯正八大柴胡湯正卅皆治心下痞此方尤難

用須是表證罷不惡寒身涼其人漦漦汗出

發作有時頭疼心下痞鞭滿引脇下疼乾嘔

短氣者乃可行十棗湯表未解者慎不可用

也大柴胡湯治傷寒發熱汗出不解心中痞

鞭嘔吐而下利者非大柴胡湯不可也正三

若發汗吐下後心下痞鞭噫氣不除者旋復

代赭湯主之正百有旋復代赭湯證其人或

咳逆氣虛者先服四逆湯正七胃寒者先服

理中丸正四次服旋復代赭湯為良旋覆花

是解後心下痞鞭證

七十問嘔者乾嘔附

無陽則厥無陰則嘔嘔者足陽明胃之經足陽明之氣下行今厥而上行故為氣逆氣逆則嘔仲景云嘔多雖不大便不可下可與小柴胡湯正廿九上焦得通津液得下胃氣因和泱然汗出而解大抵嘔證不一各有治法要之小柴胡湯尤相主當耳與小柴胡湯胃脇滿而嘔日晡發潮熱者可另柴胡湯加芒消也正卅四若嘔不止心下急鬱鬱微煩者與大

柴胡湯也正卅三大便秘者方加大黃大柴胡治嘔最

妙為內有枳實故也枳實去穢壓虛氣須是去大黃仲景云嘔多雖有陽明慎不可下官局桔梗湯最良亦用枳實耳方具第十七卷古人治嘔多用半夏

生薑孫真人云生薑是嘔家聖藥仲景治嘔

皆用之太陽與陽明合病必下利若不利但嘔者葛根加半夏生姜湯主之正廿七

七胃中有熱胃中有邪氣腹痛欲嘔者黃連湯主之正八三太與少陽合病而自利若

嘔者黃芩半夏生金匱諸嘔吐穀不得下

者小半夏湯小半夏加茯苓湯雜八小半夏

加橘皮湯皆可選用也嘔而發熱者小柴胡

湯主之正九嘔而發渴者猪苓湯主之正六

先嘔却渴者此為欲解急與之先渴却嘔者

為水停心下此屬飲家仲景云本渴飲水而

嘔者柴胡不中與也宜治鬲間有水赤茯苓

湯主之雜八十四若少陰證而嘔者真武湯去附

子加生薑也正卅五若汗若吐若下後虛煩不

得眠若嘔者梔子生薑湯正四七主之傷寒差

後嘔者有餘熱在胃腕竹葉湯加生薑主之

正五九又問有乾嘔者何也大凡嘔者飲食不

下乾嘔者今人所謂噦也或因汗出或因有

水或因下利脾胃在熱故使乾嘔官局中枯

梗湯最佳雜百一十一仲景治法汗自出乾嘔者

桂枝證也正一表不解心下有水氣乾嘔發熱

者小青龍也正卅六身涼汗出兩脇痛或乾嘔

者十棗湯也正九八少陰下利脉微與白通湯

正七九利不止厥逆無脉乾嘔煩者白通加猪

膽汁湯也正八少陰下利裏寒外熱脉微欲

絕或乾嘔者通脉四逆湯也正一八乾嘔吐涎

沫頭痛者吳茱萸湯也

正一百傷寒論云食穀欲嘔屬陽明也吳

茱萸湯主之得湯反劇者屬上焦也仲景照治法大抵吳茱萸湯治少陰證也穀入胃而嘔

屬陽明宜與小柴胡湯正廿九若病人直患嘔吐而復脚弱

或疼乃是脚氣當作脚氣治之

法在第七卷第四問

七十問吐

吐有冷熱二證寸口脉數手心熱煩渴而吐

以有熱在胃腕五苓散主之

正六六傷寒有表證渴欲飲水

也水入口即吐者名曰水逆由心經受熱而小腸不利故也宜服五苓散發汗後水藥不得入口為逆若更發汗必吐下不止小曾經半夏加茯苓湯大半夏加橘皮湯主之

汗下關脉遲胃中虛冷而吐乾薑黃芩黃連

人參湯主之

正百寒多不飲水而吐者理中

湯去朮加生薑主之

正七少陰病飲食入口

則吐心中溫溫欲吐復不能吐始得之手足

寒脉弦遲者此胃中實不可下也當吐之若

膈上有寒飲乾嘔者不可吐也當溫之宜四

逆湯

正七

吐利手足逆冷煩躁甚者吳茱萸湯主之

正一百

若傷寒解後虛羸少氣氣逆欲

正九

七十問嘔吐而利

嘔吐而下利仲景云傷寒發熱汗出

不解心中痞硬嘔吐而下利者大柴胡湯下

之正三又有霍亂證霍亂嘔吐而利熱多而

渴者五苓散正六寒多不飲水者理中九正

四或有寒腹滿痛或四支拘急下利脚轉筋

理中湯加附子一枚生用並麓末作湯服之

四正七吐利汗出發熱惡寒四支拘急手足厥

冷者四逆湯主之正七少陰病吐利手足逆

冷煩躁欲死吳茱萸湯主之正一吐利止而

身體痛不休者當消息和解其外宜桂枝湯

正一仲景大柴胡一證云傷寒發熱汗出不

解心中痞嘔吐而下利者大柴胡主之即非

霍亂吐利已汗出而厥四支拘急不解脉微

欲絕者通脉四逆加猪膽湯正八若夏月中

暑霍亂上吐下利心腹撮痛大渴煩躁四支

逆冷冷汗自出兩脚轉筋宜服香薷散維八

須井中沉冷極頓服之乃効香薷散夏月

備此證其它藥不能救仍須極冷併服之

傷寒咳嗽有兩證有太陽證咳嗽正小青龍正

六小柴胡也正九廿有少陰證咳嗽真武湯正百

五四逆散正六猪苓湯也正七大抵熱在上

焦其人必飲水水停心下則肺為之浮肺主

於咳水氣乘之故咳而微喘仲景云傷寒

表不解心下有水乾嘔發熱而咳小青龍湯

主之小便不利小腹滿往來寒熱胃脇滿痛

或咳者小柴胡湯主之小柴胡去人參大棗加五味子乾姜若

少陰證咳嗽四支沉重疼痛小便不利自下

利而咳真武湯主之真武湯加五味子乾姜

水過多古人治水氣而咳者病在陽則四支

小青龙湯主之病在陰則真武湯主之四逆

厥逆腹中痛或泄利而咳四逆散主之四逆散加

五味子乾姜下利六七日欬而嘔渴心煩不得眠

猪苓湯主之古今錄驗橘皮湯治嗽佳百雜

四一八十問咽喉痛

咽喉痛有陰陽二證脉浮數而赤班班如錦

文咽喉痛唾膿血者此陽毒也在第四卷脉

沉遲手足厥冷或吐利而咽中痛此少陰證也病源云此為下部脈都不至陰陽隔絕邪客於足少陰之絡毒氣上衝故咽喉不利或痛而生瘡也傷寒脈陰陽俱緊及汗出者亡陽也此屬少陰法當咽痛而復吐利此候汗下熏熨俱不可汗出者藁本粉傅之咽喉痛者甘草湯正五桔梗湯正百猪膚湯正百半夏散二百通脈四逆去芍藥加桔梗湯正八麻黃升麻湯正廿可選而用之又有伏氣之

病謂非時有暴寒中人伏氣於少陰經始不覺病旬月乃發脈微弱法先咽痛似傷寒非喉痺之病次必下利始用半夏桂甘湯准五次四逆散主之正七此病只一二日便差古方謂之腎傷寒也

八十問口燥咽乾

脾藏有熱則津液枯少故令口燥而舌乾仲景云傷寒無大熱口燥渴而煩背微寒者白虎湯加人參也正六又云陽明病渴欲飲水

卷三十一  
三十一

口乾舌燥者白虎加人參湯主之若咽乾者  
慎不可發汗發汗則重亡津液少陽證口苦  
咽乾者小柴胡主之正廿九少陰證口燥咽乾  
者急下之病人默默欲眠目不能閉起居不  
安其聲啞或咽乾者當作狐惑治之狐惑證在第十  
一卷第十  
三問

三 八十 問病人但漱水不欲嚥

陽明病頭疼身熱口燥但漱水不欲入咽者  
必衄也若病人無表證不發寒熱胃腹滿唇

燥但欲漱水不欲嚥者此為有瘀血必發狂  
也輕者犀角地黄湯雜尺六甚者抵當湯正九一

四 八十 問不欲眠

太陽證發汗大汗出胃中乾煩躁不得眠欲  
飲水者當少少與之胃中和即愈若脉浮小  
便不利發渴者五苓散正六六主之下後復發  
汗晝日煩躁不得眠夜而安靜不嘔不渴無  
表證脉沉微身無大熱者乾薑附子湯主之  
正七若發汗若吐若下後虛煩不得眠劇則

真經三十一  
三十六

反覆顛倒心中懊懣者宜梔子豉湯正四吐

之梔子豉湯一盞半為一劑傷寒大熱乾嘔

呻吟錯語不得眠黃連解毒湯主之雜八傷

寒吐下後心煩乏氣晝夜不得眠酸棗湯主

之雜八少陰病得之二三日已上心中煩不

得眠黃連阿膠湯主之雜百若少陰病下利

而渴不得眠猪苓湯主之正六又問傷寒差

後不得眠何也蓋熱氣與諸陽相并陰氣未

復所以病後仍不得睡也梔子烏梅湯主之

雜八

八十問多眠

多眠自出證有風溫證有小柴胡證有少陰

證有狐惑證 病人尺寸脉俱浮頭疼身熱

常自汗出體重其息必喘四支不收默默但

欲眠者風溫證也風溫不可發汗宜萎蕤湯

雜四五在第六病人脉浮頭項強痛而惡寒

者太陽證也十日已去脉浮細而嗜卧者外

已解也設胃滿脇痛者與小柴胡湯正廿脉

但浮者麻黃湯主之正二病人尺寸脉俱沉

細但欲寐者少陰證也急作四逆湯正七復

其陽不可緩也 若狀如傷寒四支沉重忽

忽喜眠須看上下脣上脣有瘡虫蝕五藏下

脣有瘡虫蝕下部當作狐惑治之在第十七卷第十三

問

八十問身凉汗出兩脅疼痛或乾嘔

此十棗湯證也仲景云太陽中風下利嘔逆

表解者乃可攻之其人漿漿汗出發作有時

頭痛心中痞鞭滿引脇下痛乾嘔短氣汗出

不惡寒者此表解裏未和也十棗湯主之正八

九大抵脇下痛者此為有飲須分表裏乾嘔

微利發熱而咳為表有水小青龍湯加薤花

主之正卅六身體凉表證罷乾嘔而脇下痛為

裏有水十棗湯主之十棗湯非小青龍湯之

比須量人虛實不可妄投

卷第十一

此一卷首論咳逆傷寒咳逆此證極惡仲

景經中不載孫真人云咳逆遍尋方論無此名稱深窮其狀咳逆者噦逆之名蓋古人以咳逆為噦耳大抵咳逆者古人所謂噦是也噦者今人所謂乾嘔是也

八十問咳逆

咳逆者仲景所謂噦者是也乙芮切噦胃寒所生傷寒本虛攻其熱必噦又云傷寒大吐下之極虛復發汗者其人外佛鬱復與之水以發其汗因得噦所以然者胃中寒故也橘

皮乾薑湯雜九羌活附子散雜九半夏生薑

湯雜九退陰散主之雜十若服藥不差者灸

之必愈其法婦人屈乳頭向下盡處骨間灸也男左女右艾炷如小豆許然亦有陽證咳

逆者小柴胡湯正廿橘皮竹茹湯雜五仲景又

云傷寒噦而腹滿視其前後知何部不利利

之即愈仲景無方前部宜猪苓湯正六扁鵲

中藏經治傷寒咳逆丁香散丁香穉蒂各一

分甘草良薑各半錢沸湯點作一服乘熱猛

分甘草良薑各半錢沸湯點作一服乘熱猛

喫極効三因第十一卷又有竹茹湯等方亦  
丁香散方竹茹湯治陽證也 本事方第八  
卷治傷寒候咳逆豆蔻湯治陰證咳逆丁香  
茴香肉豆蔻等藥若陽證不可用 凡咳逆  
多有先熱而喫生冷或涼藥多相激而成蓋  
陰陽二氣相搏林人之僕本發大熱以涼藥  
下之想太甚咳逆四五日竟至於服丁香穉  
蒂而后却再以小柴胡之屬解其餘熱遂愈  
下后盖有身熱不解 治傷寒咳逆後二方

出撫州華盖山周先生惟備急方救急方香  
附子橋核各半兩細剉用酒半盞先將藥在  
石良器內炒漸漸滴酒炒藥焦黃色研細末  
每二錢水一小盞煎至八分細細旋呷服  
一方單用香附子末 又方大蒜頭二箇煨  
動研爆入白薑末元得為度研和如梧桐子大擣  
薤菜自然汁吞下二十圓病退再服一十五  
圓

八十問發黃

病人寒濕在裏不散熱畜於脾胃腠理不開

於此與宿穀相薄鬱蒸不消化故發黃漢贊南方

暑濕近夏身熱蓋痺者黃也古人以黃為瘴溫熱相薄民多病痺其為附腫然發

黃與瘀血外證及脈俱相似但小便不利為

黃小便自利為瘀血要之發黃之人心脾蘊

積發熱引飲脈必浮滑而緊數若瘀血證即

如在大便必黑此為異耳凡病人身體發熱

頭面汗出身無汗劑頸而止渴引水漿小便

不利如此必發黃茵陳蒿湯正九加五苓散

正六也茵陳蒿湯七分五苓散五分二件病

人服湯得小便利如皂莢汁赤一宿腹減則

黃從小更中出也古人云治濕不利小便非

其治也大黃發黃者瘀熱在裏梔子蘖皮湯

正五麻黃連翹赤小豆湯正二可選而用之

又方傷寒欲發黃者急用瓜蒂末口含水搗

一字許入鼻中出黃水甚驗即用茵陳蒿湯

調五苓散服之最良又問白虎證亦身熱

煩渴引飲小便不利何以不發黃荅曰白虎

與發黃證相近遍身汗出此為熱越白虎證也頭面汗出頸已下都無汗發黃證也又問太陽病一身盡痛發熱身如熏黃者何太陽中濕也仲景云傷寒發汗已身目為黃所以然者以寒濕在裏不解故也以為不可下也於寒濕中求之第六卷第十問又問病人脈弦浮大而短氣腹都滿脇下及心痛久按之氣不通鼻乾不得汗嗜臥一身及目悉黃小便難潮熱時時咳嗽者何也少陽南陽活人書陽明中

風也小柴胡湯主之正廿九

八十問發狂

發狂有二證陽毒發狂畜血如狂其外證與脈皆不同病人煩躁狂走妄言面赤咽痛脈實潮熱獨語如見鬼狀此陽毒也治藥方在二十一問病人無表證不發寒熱唇燥但欲漱水不欲入咽其脈微而沉小腹鞭滿小便反利大便必黑身黃發狂此血證諦也病人如熱狀煩無熱此為陰伏其血證審矣仲景云大陽病不解熱結膀胱其人如狂其血自下者愈若

外不解者向未可攻畜先解其表宜桂枝湯  
 正一外已解但小腹急結者乃可攻之屬桃  
 仁承氣湯主大抵傷寒當汗不汗熱畜在裏  
 之正四四熱化為血其人喜忘而如狂血上逆則喜忘  
 血下畜則內爭甚者抵當湯正九抵當圓正  
 十輕者桃仁承氣湯正四犀角地黄湯雜八  
 須取盡黑物為効夫血熱畜在胸臆經若用  
 無表證若有畜血證而外不解亦未可更用  
 抵當湯先用桂枝湯以解其外緣熱在胸臆  
 太陽經故也又有火邪發驚狂者醫以火於卧床  
 下或周身用火迫劫汗出或熨而成火邪其

人亡陽煩躁驚狂卧起不安桂枝去芍藥加

蜀漆牡蠣龍骨救逆湯正桂枝甘草龍骨牡

蠣湯正十主之凡灸及燒針後證似火劫者

尤良柴胡加龍骨牡

九問發班

發班有兩證溫毒發班溫毒發班者冬月觸

冒寒毒至春始發或已汗下表證未除毒氣

未解故發班黑膏主之雜九或冬月溫暖人

感乖戾之氣至春初為積寒所折毒氣未得

泄迫天氣暄暖溫毒始發肌肉斑爛癰疹如  
 錦紋而咳心悶嘔清汁葛根橘皮湯雜九 屢  
 用之驗黃連橘皮湯亦佳雜百廿五 廣州積  
 熱病發斑者與時氣發斑同或未汗下或已  
 汗下熱毒不散表虛裏實熱毒乘虛出於皮  
 膚遂發斑瘡癰疹如錦紋俗呼麩瘡素問謂  
 之疹發斑者赤出五死一大抵發斑不可用  
 表藥表虛裏實若發汗開泄更增斑爛也皆

當用化斑湯雜百玄參升麻湯雜九阿膠大  
 青湯雜九猪膽梔子湯雜四或與紫雪大妙  
 可下者與調胃承氣湯正四三 暑月陽氣重  
 點如蚊蚤咬却急治之又有陽毒發斑見十九問二十  
 一問宜參酌之  
 九十問讖語  
 病人有讖語有鄭聲二證鄭聲為虛當用溫  
 藥白通湯主之正七讖語為實當須調胃承  
 氣湯主之正四服調胃承氣而讖語止或更

衣者停後服不爾再與之仲景云實則讖語  
 虛則鄭聲鄭重也重語也世多不別然讖語  
 鄭聲亦相似難辨須更用外證與脉別之若  
 大小便利手足冷脉微細者必鄭聲也大便秘  
 小便赤手足溫脉洪數者必讖語也以此  
 相參然後用藥萬全矣大抵傷寒不應發汗  
 即讖語仲景云傷寒四五日嘔沉而喘滿沉  
 為在裏反發其汗津液越出大便為  
 難表虛裏實實則讖語讖語屬胃和中則愈不和則煩  
 而躁宜調胃承氣湯然亦有三陽合病讖語

者三陽合病腹滿身重難以轉側口中不仁  
 面垢讖語遺溺其脉必滑實不可汗下宜  
 白虎湯有胃實讖語者病人身熱汗出大便  
 硬為胃實宜調胃承  
 氣湯正四三大承氣正四一或發汗多亡陽  
 外臺承氣湯易無芒消尤急  
 讖語者仲景云發汗多亡陽讖語者不可下  
 此為津液不和與柴胡桂枝湯正卅  
 一和其榮衛以通津液後自愈有下利讖語  
 恐人作燥屎攻之慎不可攻也  
 者下利讖語有燥屎也調胃承氣湯  
 正四三小承氣湯主之正四二有下後  
 讖語利讖語身重不可轉側者柴胡加龍  
 骨牡礪湯  
 正卅三有婦人熱入血室讖語者婦人傷  
 寒發熱  
 經水適來書日明了暮則讖語如見鬼狀者  
 世為熱入血室無犯胃氣及上二焦速用小

柴胡湯治之正廿九若行湯遲熱入胃令津  
 竭中焦上焦不榮成血結胃火須當針期門  
 此婦人中風發熱惡寒經水適來入血結在  
 常刺期門隨其實而取之已上二焦熱結在  
 期門也若犯胃氣晝夜譫語喜忘小又問仲  
 景云無犯胃氣何也荅曰熱因經水適來乘  
 虛入室故血室有熱遂令譫語當以小柴胡  
 解之正廿九即與胃實譫語不同胃實有燥糞  
 故宜調胃承氣湯下之正廿四若血實有熱譫  
 語非胃家實仲景恐人作胃實攻之故曰無  
 犯胃氣也大抵譫語是熱屬陽而反見陰證

者逆

九十九問吐血

傷寒吐血由諸陽受邪熱初在表應發汗而  
 不發汗熱毒入深結於五臟內有瘀積故吐  
 血也瘀血甚者抵當圓正九輕者桃人承氣  
 湯正四兼服犀角地黄湯雜八三黃圓雜九  
九十九問腹痛腹脹  
 本太陽病醫反下之因爾腹滿時痛是有表  
 復有裏仲景所以用桂枝加芍藥湯主之正

一痛甚者加大黃正十三桂枝加芍藥即是

設當行大黃芍藥者宜減之其人胃虛陽氣易動故也下利者先煎芍藥十餘沸難

經云痛為實大抵痛宜下仲景云發汗不解腹滿痛者急下之

宜大承氣湯正四一又曰腹中滿痛腹痛有

此為實當下之屬大柴胡湯正三十

二證有熱痛有冷痛尺脉弦腸鳴泄利而痛

者冷痛也小建中湯主之正卅仲景云陽脉

濇陰脉弦法當腹中急痛先與小建中湯不

差者與小柴胡湯小柴胡去黃芩加芍藥正二十九陰證腹

痛即四逆散正七通脉四逆加芍藥湯正八

腹痛小便不利者真武湯正百關脉實腹滿

大便秘按之而痛者實痛也桂枝加大黃湯

正十黃連湯正八大承氣湯主之正四又問

腹脹滿者何也陰陽不和也桔梗半夏湯最

良雜九仲景論太陽證發汗後腹脹滿也厚

朴生薑半夏甘草人參湯正五下後心煩腹

滿臥起不安者梔子厚朴湯正四吐後腹脹

滿者與調胃承氣湯正四少陰病六七日腹

脹不大便者急下之宜承氣湯正四

九十問煩躁

傷寒煩躁太陽與少陰經為多蓋太陽與少陰為表裏

陽明經或因不大便中有燥屎故煩躁耳仲景

云病人不大便五六日遠肌痛煩躁發作有時者此有燥屎也宜承氣湯太抵得病一三日

日脈弱無太陽柴胡證煩躁心下鞭小便利之

然有鞭以承氣湯正四二少少與微利之日幾行若小便尚微煩必大便鞭當問其小便

大抵陰氣少陽氣勝則熱而煩故太陽經傷

風多煩而躁也仲景云太陽傷風服桂枝湯

却與桂枝湯又云太陽傷風脈浮緊發熱惡寒身疼痛無汗而煩躁者大青龍湯主之正

而五又云傷寒二三心中悸而煩白小建

中湯主之正廿七又云傷風發熱六七日不

解而煩有表裏證渴欲飲水入則止五苓

散主之正六六又云傷寒得病無熱但狂言

煩躁不安精氣不與人相當但與五苓散二

大錢服之當與新汲井水飲一升許即以指

刺喉去之隨手愈然而太陽證自汗心

煩若小便數者又不可用桂枝表也

陰盛亦發煩躁陽氣弱為陰所乘而躁故少

陰病亦煩躁少陰病二三日已上心煩不得

陰病土利手足逆冷煩躁欲死有吳茱萸湯

主之正一百少陰病下利咽痛胃心煩者

類聚三十一

四十七

脉別之

寸關浮數身熱而煩者屬太陽也尺寸俱沉手足厥逆自利而煩者屬少

陰然有汗之而煩者

仲景云太陽病發汗後大汗出胃中乾煩躁不

得眠欲得飲水者少少與之令胃中和則愈

六有下之而煩者

仲景云下之後發汗晝日

嘔不渴無表證脉沈微者乾薑附子湯主之

八又有病已解而反微煩者此由病新差不

勝穀損穀則愈先用小柴胡湯正卅九和其榮衛以通津液得尿而解小

柴胡下中然後以調

胃承氣湯正四十三

九十問下利者

寫寒下利多種須辨識陰陽勿令差互三陽下利

則身熱太陰下利手足溫少陰厥陰下利身

下熱以此別之大抵下利挾太陽脉證便不

得用溫藥俗鑿但見下利便作陰證太陽陽

明合病必下利葛根湯正廿六主之下痢而頭

熱目疼鼻乾其脉浮太陽少陽合病自下利

大而長者是其證也黃芩湯主之正八若嘔者黃芩湯加半夏生

薑也正八六下利而頭疼胃滿或口苦咽乾

其證陽明少陽合病必下利其脉不負者順也

也負者失也互相剋賊名為負也下利而身熱胃腸病

滿乾嘔或往來寒熱其脈長大而弦者是其證也蓋陽明者土其脈長大少陽者木其脈

弦若合病土被木賊更下利為胃已困自利若脈不弦者順也為土不負負者死

不渴屬太陰四逆湯正七五理自利而渴屬中湯主之正七四

少陰白通湯正九七白通加猪苓湯正九八通脈四逆湯正八一猪苓湯正六七真

武湯正七五四逆加人參其餘下利皆因汗湯正七七可檢證而用之

下後證也大抵傷寒下利須看脈與外證下

利而脈大者虛也脈微弱者為自止下利日

十餘行脈反實者逆下利脈數而滑者有宿

食也下之愈脈遲而滑者實也其利未得便

止更宜下之下利三部脈皆平按其心下硬

者急下之協熱利者臍下必熱大便赤黃色

及腸間津汁垢膩謂之腸垢寒毒入胃則臍下必

寒腹脹滿大便或黃白或青黑或下利清穀

濕毒氣盛則下利腹痛大便如膿血或如爛

肉汁也下利欲飲水者以有熱也下利讖語

者有燥屎也寒毒入胃者四逆湯正七埋中

湯正七白通湯加附子正九四逆散加薤白

正七主之協熱利者黃芩湯正八白頭翁湯

正百三黃熟艾湯雜一薤白湯雜百赤石脂

圓雜二濕毒下膿血者桃花湯正九地榆散

雜百黃連阿膠散四雜百雖然自利而渴屬少

陰然三陽不利亦有飲水者乃有熱也三陰

下利宜溫之然少陰自利清水心下痛口乾

燥者却宜下之此又不可不知也少陰泄利

投熱藥先濃煎薤白湯雜一百內四逆散緣

四逆散用枳實芍藥之類又尋常胃中不知

腹中腸鳴下利生薑瀉心湯最妙

正三此二法不特傷寒證也

九十問小便不利小便難

傷寒發汗後汗出多亡津液胃中極乾故小

便不利豎見小便不利往往利之誤矣類纂

云胃中乾則無小便慎不可利故仲景云下

之後復發汗小便不利者亡津液耳若傷寒

引飲下焦有熱小便不通脉浮者五苓散正六

六脉沉者猪苓湯也正七表不解心下有水

發熱而咳小腹滿小便不利者小青龍湯去

麻黃加茯苓也正卅傷寒無汗翕翕發熱頭

項強痛小便不利者桂枝湯去桂加茯苓白

朮也九 正方嘔而發熱胃脇滿心下怔忡小便

不利者小柴胡湯去黃芩加茯苓九 正 廿 少 陰

病小便不利者四逆散加茯苓也正 七 六 傷

利者行之取其滲泄也有渴而飲停者有躁

而煩渴者有病氣去而水氣不得行者其表

裏得見煩躁口燥欲飲水水入即吐病名水

逆及霍亂頭痛發熱身疼痛欲飲水者有發

熱汗出復惡寒不嘔但心下痞者並宜五苓

散其脉浮發熱渴飲水小便不利少陰病

下利六七日欬而嘔渴心煩不得眠者宜與

猪苓湯其大病差後從腰已下有水氣者牡

礪澤瀉散正九四此大抵中濕與發黃以利

利水道滲洩之義也

小便為先陽明汗多以利小便為戒 又問

小便難何也陰虛故也陰虛者陽必溱之為

陽所溱也故小便黃者中有熱也宜瞿麥滑

石之類瀉之太陽病發汗遂漏不止其人惡

風小便難四支微急難以屈伸者桂枝加附

子湯主之六 正方陽明中風脉弦浮太短氣腹

滿脇下及心痛鼻乾不得汗嗜卧身黃小便

難潮熱而噦者小柴胡加茯苓主之九 正 廿

九十 問小便自利小便數

太陽證下焦有熱小腹必滿應小便不利而  
 小便反利者下血證也抵當湯主之正九陽  
 明證自汗出應小便少而小便自利者津液  
 內竭也屎雖硬不可攻也常用蜜煎導之正百  
 一少陰證四逆而小便自利者虛寒證也四  
 逆湯正七真武湯去茯苓主之正百又問小  
 便數者何也腎與膀胱俱虛而有客熱乘之  
 也二經既虛致受於客熱虛則不能制水故  
 令數小便熱則水行澁澁則小便不快故令

數起也診其跌陽脉數胃中熱即消穀引飲  
 大便必硬小便即數也太陽病自汗四支拘  
 急難以屈伸心煩微惡寒脚攣急若小便數  
 者慎不可行桂枝也宜與甘草乾薑湯正五  
 芍藥甘草湯也正七大抵澁數則大便難仲  
 景云跌陽脉浮而澁浮則胃氣強澁即小便  
 數浮澁相薄大便則鞭其脾為約麻子人圓  
 主之正九太陽病若汗若吐若下後微煩小  
 便數大便因鞭者與小承氣湯正四和之愈

又云傷寒脉浮自汗小便數若胃中不和譏

語者少與調胃承氣湯正四

九十問有數日不大便有六大便難有大便

鞭有燥屎有大便溏

傷寒數日不大便大便鞭及有燥屎皆知用

大柴胡正三大承氣正四小承氣正四攻之

然仲景論大便不通亦有數種不可攻者在

三卷第三問仲景又有陽結陰結之論不可

不別也其脉浮而數能食不大便此為實名

曰陽結宜用小柴胡湯正廿所謂和其榮衛

以通津液縱不了了得屎而解也其脉沉而

遲不能食身體重大便反硬名曰陰結宜用

金液丹所謂陽盛則促陰盛則結促結同也

又問大便溏者何也古人云歲火不及寒乃

大行民病驚溏大率病人腸中有寒即大便

鴨溏蓋溏者胃中冷水穀不別故也華佗云

寒即溏熱即垢仲景說初鞭後溏有二證小

便不利小便少皆水穀不分耳

九十問病人默默欲眠目不能閉起居不安其聲啞或咽乾啞所訝切聲破也

此名狐惑傷寒也狐惑與濕蠱皆虫證初得狀如傷寒或因傷寒變成其疾其候默默欲眠目不能閉起居不安虫蝕其喉為惑其聲啞虫食下部為狐其咽乾狐惑之病並惡飲食面目乍赤乍白乍黑是其證也大抵傷寒病腹內熱入食少腸胃空虛三虫行作求食蝕人五藏及下部為蠱病其候齒無色舌上

盡白甚者唇黑有瘡四支沉重忽忽喜眠虫蝕其肛爛見五藏則死當數看其上下唇上唇有瘡虫蝕其藏也下唇有瘡虫蝕其肛也殺人甚急多因下利而得治蠱桃人湯雜百五黃連犀角湯雜百六雄黃銳散主之雜百七

一問病人欲食復不能食常默默欲臥復不能臥欲出行復不能行飲食或有美時或有不炊飯時如強健人而臥不能行如有寒如無寒如有熱復無熱口苦

小便赤藥入即吐利

此名百合傷寒也百脉一宗悉致其病無復  
 經絡也其狀欲食復不能食常默默欲得卧  
 復不能臥欲出行復不能行飲食或有莩時  
 或有不炊飯時如強徙人而臥不能行如有  
 寒如無寒如有熱復無熱口苦小便赤百合  
 之病諸藥不治藥入即吐利如有神靈此多  
 因傷寒虛勞大病之後不平復變成斯疾也  
 百合知母湯雜百七 滑石代赭湯雜百九 鷄子湯

雜百 百合地黄湯雜百十一 百合洗方雜百十二 栝樓  
 牡礪散雜百十三 滑石散雜百十四 主之  
 傷寒活人書一

傷寒賦以寒熱之病當

第一韻宗古法為韻二十證各有本條調括

咳嗽 咳逆 惡風 惡寒 身痛 咽痛  
 肉瞶筋惕 無汗 自汗 口燥咽乾 寒  
 熱往來 似瘧 發狂 喘渴 霍亂吐瀉  
 讖語 下利 黃 斑

第二韻 二十六證各有本條詞括

至如痞滿 結胃 煩躁 嘔噦 頭汗出  
可水 漱水 背惡寒 吐血 衄血 多  
眠 不眠 固有差殊 潮熱 發熱亦分優  
劣 不可汗 汗後惡寒 不可下 下後  
有熱 熱多寒少 乾嘔 不得汗 頭疼  
百脉一宗 腹脹 小便難 藏結 百脉一宗乃百  
寒合傷

第三韻 一十六證除晚發一證附熱病條自餘十五證各有歌括

觀夫傷寒脉緊 傷風脉遲 既有傷寒見  
風之候也 又立傷風見寒以別之 風濕  
中濕兮大小便則秘利可見風溫濕溫兮發  
正汗則危惡難醫 溫毒則發斑有準 中  
暘則自汗無疑 夏病曰熱 春病曰溫  
晚發在於二月 風病曰瘧 壞病曰虐  
疫癘行乎四時

第四韻 一十證

因知兩感病曰雙傳 自有傷寒兩感證詞 類傷寒有四

證自有類湯三陰無頭疼無身熱見頭疼三  
 陽有合病有併病見合病四肢逆冷謂之厥  
口有厥條見指頭微寒謂之情音清附舌消  
 表裏二十論聲重曰鄭見表裏二十論有表寒  
 曰胎見表裏論聲重曰鄭論陰毒證下有表寒  
 有裏寒有陰盛有陽盛並表裏論頂天履地人  
 為物之最靈剖腹易心醫者人之司命

第五韻

豈不以無求子真一世之雄朱奉長沙公乃  
 百川之宗長沙太守張公仲景喜壯熱止其利曰斷下

活人書調中湯注云少實人反及五石人喜  
 壯熱而與藥斷下者則轉加熱而而死矣  
 厥而利反能食曰除中厥而下利當不能食  
中不治見當下而汗為亡陽為厥竭為譏語  
傷寒別名當汗而下為痞氣為懊憹為結胃見別  
名中當汗而下為痞氣為懊憹為結胃見別  
 服麻黃湯煩燥者必衄血見藥評中服桂枝  
 湯嘔逆者必吐膿見藥評中戰掉謂之振慄  
 動悸一日怔忡上見戰汗論唇上生瘡狐惑  
 便成濕蠶自有狐飢不能食虬厥即吐長虫  
見三陰三陽調厥陰條  
 仍自有虬厥本條調括

第六韻 六證

大抵醫有賢愚疾無今古陰受之則入於五臟陽受之則入於六府並載在後證陰陽受病之源中無汗而煩躁者可服青龍見煩躁條無汗而喜渴者勿投白虎見渴條中陽明自汗而引飲者五苓散甚非所宜見渴條中太陽自汗而溲數者桂枝湯不可妄與見小便條中發散屬以辛甘湧泄係乎酸苦並見表裏二十論姜專主嘔嘗稽思邈之書見嘔吐條桂不墮胎請驗安常之語見炮

炙中出安常論

第七韻 二十證

抑又聞脾受賊邪者大勢已去見陰陽傳變條及下利條尅賊脈見離經者其鋒莫當離經脈惟陰陽傷寒陽毒發狂則踰垣上屋見表裏論日晡別名潮熱或循衣摸床自有循衣摸床條下口噤咬齒者大承氣屬虛乾嘔脇痛者十棗湯屬乾嘔証動氣理中加白朮見炮炙中及湯藥証腹痛桂枝加大黃見痛條桂枝下咽陽盛則斃承氣入胃陰盛乃

亡見藥評中麻黃桂枝湯條件下陰脉沉細而緩陽脉浮弦

而長並見三陰傷食傷寒須辨人迎氣口

有根有本必診太谿衝陽以上四証謂之

衝陽故活人書云人迎緊盛傷於寒氣口緊盛傷於食各自有本條

第八韻

斷之曰二瘧必咬頰車自有二瘧須看爪甲

自有協熱而利者其腸必垢協寒而利者其

溇似鴨並見下誤服湯元者食不及新見藥

春秋成公十年特犯禁戒者死必不臘評中

思春秋僖公五年宜乎古人之所以云治傷

寒則有法古人云治傷寒則有

傷寒詩以生字為韻

凡論傷寒者先須有定名陽經多體熱陰證

少頭疼了了心中印搖搖指下明補陽須是

熟利藥不嫌生百問真條貫千金作典刑前

賢思濟世著論列仙經

診脉訣人迎 氣口 太谿 衝陽 結脉 促脉 代脉

人迎左手關前一分是也肝膽之位脉緊盛

爲於寒在結喉旁一寸半動脈應手是穴  
氣口右手關前一分是也脾胃之位脈緊盛  
傷於食黃帝曰氣口何以獨爲五藏主岐  
伯曰胃者水穀之海六府之大源也五味  
入口藏於胃以養五氣氣口太陰也兼屬  
脾是以五藏六府之氣味皆出於胃變見  
於氣口

太谿在足內踝骨上動脈陷中傷寒何以須  
診太谿脈耶荅曰太谿穴是足少陰腎之

經男子以右腎爲命門女子以左腎爲命  
門主生死之要病人有命脈卽活無卽死  
仲景云少陰病手足逆冷發熱者不死脈  
不至者灸太谿七壯故傷寒必診太谿以  
察其腎之盛衰也八難曰寸口脈平而死  
者何謂也說謂十二經脈者皆係於生氣  
也故腎爲五藏六府之本十二經脈之根  
呼吸之門三焦之原一名守邪之神故氣  
者人之根本也根絕則莖葉枯矣寸口脈

平而死者生氣獨絕於內也十四難曰上部有脉下部無脉其人當吐不吐者死上部無脉下部有脉雖困無能爲害也所以然者人之有尺譬如樹之有根枝葉雖枯藁根本將自生脉有根本人有元氣故知不死

衝陽一名會源在足跗上五寸骨間動脉上去陷谷三寸傷寒何以須診衝陽脉耶荅曰衝陽穴是足陽明胃之經人受氣於穀

穀入於胃乃傳與五藏六府藏府皆受氣於胃其清者爲榮榮血也濁者爲衛衛氣也榮行脉中衛行脉外陰陽相貫如環無端胃爲水穀之海主稟四時皆以胃氣爲本是謂四時之變病死生之要會故傷寒必診衝陽以察其胃氣之有無也  
結促代脉脉有結有促有代結者陰也陰盛則結脉來緩時一止復來曰結生絹滿煩躁促者陽也陽盛則促脉來數時一止復

來曰促主積聚氣痞憂思所成大抵結促之脉雖時一止爲病脉非死脉也唯代脉真死矣往來緩動而中止不能自還因而復動名曰代也代者死也仲景傷寒脉結代心動悸炙甘草湯主之

三陰三陽經

活人書云治傷寒須辨陰陽人身手與足各有三陰三陽合爲十二經在手背者爲陽屬表爲腑在手掌心者爲陰屬裏爲臟足經做

此傷寒只傳足經不傳手經素問熱論中亦只說足陰陽也

陰陽所屬

足太陽膀胱經少陰腎經並屬水 足陽明胃經太陰脾經並屬土 足少陽膽經厥陰肝經並屬木

陰陽傳變

傷寒傳變陽經先受病故次第傳入陰經以陽主生故太陽水傳陽明土土傳少陽木爲

微邪 陰主殺故少陽木傳大陰土土傳少  
陰水水傳厥陰木至六七日當傳厥陰肝木  
故移氣尅於脾土脾再受賊邪則五藏六府  
皆困而危殆榮衛不通耳聾囊縮不知人而  
死矣速用承氣湯下之可保五死一生古人  
云脾熱病則五藏危又云上敗木賊則死至  
第六七日傳厥陰脉得微緩微浮爲有脾胃  
脉也故知脾氣全不再受尅邪無所容否極  
泰來榮衛將復水升火降則寒熱作而大汗

解矣

陰陽受病

既言寒暑又言陰陽  
陰陽者愚謂房事也

甲乙經云邪生於陽者得之風雨寒暑邪中  
於陰者得之飲食起居不節者陰受  
虛邪者陽受之飲食不節起居不節者陰受  
之陽受之則入府陰受之則入藏入府則身  
熱不得臥爲喘呼入五藏則填滿閉塞下爲  
滄泄久爲腸僻大抵發於陽則太陽也發於  
陰則少陰也此二經爲表裏其受病最多陽

明大陰受病頗稀少陽厥陰肝膽之經又加少焉此病一日至十三日太陽證不罷但治太陽有初得病便見少陰直攻少陰此最爲活法也

寒邪或首尾只在一經

活人書云六氣之邪乘虛之經自背得之則入太陽或入少陰自面感之則入陽明之類不必皆始於太陽次第傳諸經或寒邪首尾只在一經間傳一二經不可以一理推但據

脉與外證驗之假令病人脉浮緊頭項強痛發熱惡寒已至過經每日如此只是太陽受病更不傳諸經餘皆倣此

陰陽用藥活法

大凡陽病當投酸苦之藥微則用苦甚則兼用之陰病當投辛甘之藥微則用辛甘甚則專用辛古人云辛甘發散爲陽酸苦湧泄爲陰辛甘者桂枝甘草乾姜附子之類謂能復其陽氣也酸苦謂苦參大青葶藶苦酒之類

能復其陰氣也

苦酒即米醋

三陰三陽證

活人書云傷寒須識經絡不識經絡觸送質行不知

邪氣所在病在太陽反攻少陰證在厥陰乃和少陽寒邪未除真氣受弊

太陽傷寒一日二日發熱惡寒頭痛腰脊強

尺寸脉俱浮病在太陽經也

太陽主氣其脉從頭項共腰背

故病人頭項痛腰脊強

陽明傷寒二三日身熱目疼鼻乾不得卧尺

寸脉俱長病在陽明經也

陽明主肌肉其脉來自絡於鼻故病

人身熱目疼鼻乾

少陽傷寒三四日胃脇痛而耳聾或口苦舌

乾或往來寒熱而嘔尺寸脉俱弦病在少陽

經也

少陽主榮百節流氣三部其脉循脇絡於耳故病胃脇痛耳聾

太陰傷寒四五日腹滿咽乾手足自溫或自

利不渴或腹痛尺寸脉俱沉細病在大陰經

也

太陰為三陰首其脉布於脾胃絡於嗌喉故病人腹滿而嗌乾

少陰傷寒五六日口燥舌乾而惡寒尺寸脉

俱沉病在少陰經也

少陰脉貫腎絡於肺繫舌本腎惡燥故病人口

燥舌乾而渴

厥陰傷寒六七日煩滿囊縮尺寸脈俱微緩

病在厥陰經也

其脈循陰器而絡於脾故病人煩滿而囊縮厥者盡也

樞曰亥為左足之厥陰戌為右足之厥陰兩陰俱盡故曰厥陰夫陰盡為晦陰出為朔厥

陰者以陰盡為義者也

### 傷寒正名十六件

活人書云冬令嚴寒為殺厲之氣善攝生者當此之時護身周密不犯於寒夫觸冒者辛苦之徒也當陽閉藏反擾動之使寒毒之氣入於湊理相搏於榮衛之間壯者氣行不能

為害怯者則著而成病矣其即時而病者名曰傷寒其不即時病者寒毒藏於肌骨中至春溫氣而變名曰溫病因夏熱而變名曰熱病大醫均謂之傷寒也巢氏云辛苦之人春夏必有溫熱病者皆由冬時觸冒之所致非時行之氣也夫時行者春應暖而反寒夏應熱而反冷秋應涼而反熱冬應寒而反溫非其時有其氣是以一歲之中病無少長多相似者此則時行疫癘之氣也又活人書五卷

壞病論中云太陽病已發汗吐下溫針仍不解者名爲壞病當知犯之何逆以法治之若脉尺寸俱盛重感於寒變爲溫瘧陽脉浮滑陰脉濡弱更遇於風變爲風溫陽脉洪數陰脉實大更遇溫熱變爲溫毒陽脉濡弱陰脉弦緊更遇溫氣變爲溫疫第六卷又論云中風傷寒傷風見寒中暑中溫風溫濕溫之名蓋因傷於寒邪又感異氣而變之也曰天下之事名定而實辨言順則事成又况傷寒之

名種種不同若識其名縱有差失功有淺深効有遲速耳不得其名妄加治療往往中暑作熱病治之反用溫藥濕溫作風溫治之服加發汗虛實混淆是非紛亂性命之寄危於風燭矣

此乃總說詳見三卷本條中

### 類傷寒證

活人書云痰證食積虛煩脚氣其疾發作與傷寒相似實非傷寒也所謂朱紫相陵玉石不分醫者處病滅裂更不看驗見其發熱惡

寒往往作傷寒治之發汗吐下因茲天橫者多矣

三陰三陽脉譜一首

人身本有手三陰三陽足三陰三陽共十二經傷寒只傳足六經故謂中止言三陰三陽不傳手六經也

陽屬膀胱并胃膽陰居脾腎更連肝浮長弦

細沉微緩脉證先將表裏看足太陽膀胱其脉浮足陽明

屬胃其脉長足少陽屬膽其脉弦足太陰屬脾其脉細足少陰屬腎其脉沉足厥陰肝其脉微緩

三陰三陽譜三首

發熱惡寒身體痛太目疼身熱鼻中乾陽耳

聾口苦咽乾燥寒熱往來脇下堅少陽

太陽傷寒无汗麻黃湯一中風有汗桂枝湯九傷寒見風

傷風見寒大青龙湯二陽明無汗惡寒升麻葛根湯十

有汗微惡寒桂枝湯九無汗脉浮其人喘

麻黃湯一不更衣者謂不大便也內實大便難

外證身熱汗自出不惡寒反惡熱大柴胡湯下三

十少陽一證並屬小柴胡湯三十六

手足自溫時腹痛利而不渴藏家寒太脉沉陰

惡燥元關腎引飲咽焦津液難少陰

太陰自利不渴者藏寒也四逆湯四十九

腹滿肝浮者桂枝湯九浮脉屬表所以用桂枝

也腹痛者桂枝湯十一痛甚者桂枝湯十一此

謂大陽太陰也何以知其有太陽脉浮是也以下皆准

此凡陰證而脉浮者為有太陽也故多用

桂枝藥兩證俱見條又謂之有表復有裏

表太陽也裏太陰也本太陽病脉大胃滿

為醫下之故有腹滿而痛也

多痰者吐之瓜蒂散吐法若下之必胷下

結滿堅鞭音硬增損大抵傷寒手足必冷

若自溫者屬太陰也 少陰口燥舌乾而

急下之大承氣湯若不渴不口燥舌乾而

脉沉者急溫之四逆湯口中和而背惡寒

宜四逆湯少陰證若小便色白者病形悉

具也渴者甘草乾餘證並四逆湯尺寸脉

俱緊而反汗出為亡陽法當咽痛猪膚湯

發熱脉沉麻黃細辛附子湯五發

厥陰之脉循陰器筋急唇青四體疼舌卷耳

聾囊更縮不逢識者少痊安厥陰

厥陰脉浮為欲愈不浮為未愈小建中湯九十脉

浮緩而如瘧狀者必囊不縮為欲愈也桂枝

麻黃各半湯二十四尺寸俱沉短者必囊縮毒氣入

藏也宜承氣湯下之三消渴氣上衝心心

中疼熱伏苓甘桂白朮湯百二十九飢而不欲食食即

吐虵此名虵厥胃冷也烏梅丸或丸理中

四下之利不止及別虵厥一條四逆湯及別虵厥一條謂

括後見

### 表裏誦一首

發熱惡寒身體痛脉浮屬表要君知若不惡

寒反平聲惡熱汗多屬裏定無疑

一十六證傷寒誦十五首傷寒與傷風二首相貫

一傷寒脉浮而者緊瀋緊為傷寒瀋主無汗瀋者瀋也外證主手足厥

冷

脉浮緊瀋如何斷緊是傷寒瀋無汗忽然有

汗是傷風其脉必定浮而緩

傷寒無汗惡寒麻黃湯一有汗惡風桂枝湯九熱多

寒少清便自可桂枝麻黃各半湯二十四熱多寒少脉

弱者無陽也

桂枝二越一湯二十二

熱多寒少而尺

脉遲者血少也

黃耆建中湯九十一

當汗而其人失

血及下利者類與少桂枝湯九淋家 衄家

瘡家 虛家皆不可汗並小柴胡湯三十六

二傷風

脉浮而緩汗自出外證手足微温傷風惡風不惡寒故云不相

也同

傷寒惡寒不惡風傷風與此不相同傷風面

色光不慘若是傷寒慘在容

傷風有汗惡風桂枝湯九桂枝湯惟春初可行

自春未及夏至以前可加黃芩半兩名

且湯

廿一夏至後加知母一兩石膏二兩或加

升麻半兩若病人素虛寒者不用加減或

用敗毒散百九十六項背强者桂枝加葛根湯十二不欲飲

水者謂之裏寒桂枝去芍藥加附子二十一傷風脉浮

緩自汗桂枝湯九若脉濡緊而汗者不可服桂

枝也當用小建中湯九十

三傷寒見風外證是傷寒而脉是傷風也脉主浮而緩

外證寒多還少熱不煩手足微微厥此是傷

寒復見風脉緩而浮無別說

傷寒見風風則傷衛寒則傷榮桂枝主傷

衛麻黃主傷榮大青龍主榮衛俱傷也煩

躁則用大青龍湯不煩躁者桂枝麻黃各

四傷風見寒外證是傷風而脉是傷寒也脉主浮而緊

手足微溫莫誤看惡風發熱更多煩若還脉

得浮而緊便是傷風復見寒

傷風見寒大青龍湯脉似桂枝而無汗病

似麻黃而反煩躁是也脉若緩而有汗者

桂枝湯九脉緊不煩躁者麻黃湯一

五風濕脉亦浮蓋浮脉主風也廣濟方

書大便秘難小便利也活人書木附湯證

與此說同大抵中濕則大便快小便澀

風濕相搏脉須浮額上微微汗欲流身腫喜

衣難轉側此名風濕是因由

風濕欲微發汗但澀澀身潤則風濕皆去

若大發汗則風氣去而濕氣在焉麻黃杏

甘草湯防己黃不嘔不渴脉虛瀉桂枝

湯十小便不利甘草附子湯小便自利木附子湯  
 六十身體痛惡風微腫杏仁湯通用敗毒散  
 散百三信效方用五苓散  
 平六

六中濕

其脉沉緩為中濕只緣風雨蒸氣襲一身盡痛及身黃大便反快小便澀

中濕小便自利木附湯百小便不利大便

反快甘草附子湯七十三

七風濕脉浮又云陽脉浮滑陰脉濡弱外證多汗若發汗後猶灼熱者

名風濕至四肢不收也千金云風濕之病脉陰陽俱浮發汗則讖言加濕針則吐下則大便利並萎蕤湯

風濕為病古今傳喘息昏昏但欲眠身重脉浮常汗出更加發汗必讖言

風濕發汗後身猶灼熱者名風濕不可發

汗發汗者死醫殺之也宜葶藶湯百身灼

熱者知母乾葛湯百八渴甚者括婁根湯百脉浮身

重汗出漢防己湯龐安常葛根龍膽證治

論云風濕用小柴胡湯三十一未能了了者可柴胡

桂枝湯取小汗然不可大汗也

八濕溫濕溫之脈陽濡而弱陰小而急

其人濕氣素來傷暑氣重傷病愈昌多汗妄言雙脛冷濕溫當辨脈陰陽

濕溫不可發汗發汗則死名曰重暍醫殺之也宜木附湯百六十七白虎加蒼朮湯一百三

九溫毒陽脈洪數陰脈實大

溫毒渾身似錦紋發斑癰疹嘔頻頻或時咳逆心煩悶冬感於寒發在春

溫毒黑膏方嘔清汁者葛根橘皮湯六十九

七中暍脈虛而發弱也蓋熱傷氣而不

乙經云脈盛或寒得之傷寒脈虛身熱得之傷暑

夏月自汗名中暍脈虛微弱多煩渴面垢背寒身不疼外證大綱同病熱

中暍手足微冷煩渴四支不痛白虎湯百一痰

逆惡寒橘皮竹茹湯不惡言竹葉石膏湯百四頭疼惡

心煩躁心下不快五苓散百八十五霍亂吐瀉香

散百八十七信效方中用小柴胡湯依常法煎

候極冷服之又曰太陽中暍其脉弦細  
 遲小便已洒然毛聳口前開板齒者白虎加人  
 參湯又問中暑何故洒然毛聳口曰腠理  
 司開闔寒則皮膚急腠理閉熱則皮膚緩  
 腠理開開則洒然寒閉則熱而悶

十一熱病

晚發第十  
三附無詞

脉洪盛也蓋寒傷形而不傷  
氣所以脉盛形字亦作血字

夏月得病名熱病本與傷寒同一證惡寒身  
 痛及頭疼發熱仍兼脉洪盛

熱病有汗

桂枝湯九無汗麻黃湯一煩燥大青龍湯三十五

夏至前發

陽旦湯百夏至後如傷風證中

桂枝加知母石膏升麻也三月至夏謂之  
 晚發梔子升麻湯

十二溫病

脉似太陽而好渴言浮緊也證  
同中暑不憎寒但發熱也活人

書第八卷發熱問中云發熱而渴不惡寒  
為溫病或云惡寒論之但有一證可驗便  
得不必悉具也

溫病須當夏至前先因冬月中於寒頭疼發  
 熱脉洪緊按法調停尅日安

溫病升麻葛根湯六十七熱多者小柴胡湯二十

六不渴外有微熱者小柴胡加虛煩者竹葉

石膏湯癸渴者小柴胡去半夏加人發渴

百四參煩燥脉實大便秘大柴胡湯微嗽者小柴胡加

五味子三十八

十三晚發附熱病條

十四痊病一名痊病無汗惡寒曰剛痊

又云大發濕家汗則成痊

元來痊病屬膀胱口噤如癩身反張此是傷

風感寒濕故分兩證有柔剛

痊病無汗曰剛葛根湯有汗曰柔桂枝加

十二二痊並通用小續命湯口噤脚攣咬齒

大承氣湯證治論柔痊桂枝括湯十九

十三麻黃葛剛痊根湯二

十五溫瘧尺寸脈俱盛也尺寸為脈寸

尺寸俱盛名曰虐先熱後寒相擊搏多寒必

定脉弦遲多熱自然脉弦數

溫虐寒熱相等及先熱後寒者小柴胡湯

煩躁小便赤澁素有瘴氣不伏水土嘔五苓

散百八先寒後熱小柴胡加多熱但熱者

白虎湯多寒但寒者身胡桂姜大便祕間

日發作大柴胡湯下

十六疫癘乃四時不和之氣人感之即成病矣其脈陽濡而弱陰弦

而緊

四時疫癘會應難老幼調停揔一般夏責於

心冬責腎季脾秋肺與春肝

疫癘春感清升麻葛根湯六十七夏感寒

理中湯百七十八射香湯百秋感熱白虎

六十四半夏桂甘湯八十三茵陳五苓散冬感暖而病加蒼

術湯百三發黃瘰者茵陳五苓散冬感暖而病

日冬溫萎蕤湯百四時通用敗毒散百九

根湯六土無正形因火而名當隨其經而

取之也

傷寒兩感譌三首兩感之證有自利者

利不止者

傷寒兩感半陰陽初病頭疼不可當煩滿口  
乾多好渴元來是腎與膀胱

二日陽明與太陰渾身壯熱可憂心妄言不食腹中滿脾胃相兼病已深

三日肝經與膽經少陰還與厥陰并水漿不入渾身厥囊縮兼聾命欲傾

半陰陽者言病一半屬陽一半屬陰也龐安常脉云沉大者太陽少陰沉長者陽明太陰沉弦者少陽厥陰也諸方書不載兩感脉安常特設以示後人素問熱論云兩感於寒而病者必不免於死法不過六日

黃帝曰有三日而死者何也岐伯曰陽明者十二經脉之長也若三日而氣盡則死矣仲景亦無治法活人書五卷序云傷寒惟兩感不治仲景但一說云兩感病俱作治有先後證治論引張翼說與仲景同謂如下利清穀身體疼痛急當救裏宜四逆湯桂枝九身身體疼痛清便自調急當救表宜桂枝湯九證治論并活人書解仲景治有先後之說皆云治有先後者宜先救裏內纔溫則可

醫矣然救表亦不可緩也以上所論並先救裏然後救表愚意消息謂如下利不止身體疼痛則先救裏如不下利身體疼痛則先救表此亦謂之治有先後也兩感病活之理而不可必也

類傷寒四證

一痰證 寸口脈浮憎寒壯熱惡風自汗但頭不疼項不强也而頭疼何耳非次頭延作病以此論之痰涎亦有頭疼證直夏以他證參之可也

二食積 石手關脈數左手脈平和是也故曰人迎緊盛傷於寒氣口緊盛傷於食外證發熱惡寒但身不疼痛為異耳

三虛煩 脈不緊數不頭疼不身痛但煩熱者是也

四脚氣 頭疼身熱支節痛大便秘或嘔逆脚屈弱轉筋惡聞食氣

四證詞二首

頭不昏疼項不强憎寒壯熱被痰妨惡寒身熱頭如破左手平和是食傷  
身無疼痛脈和平但作虛煩不用驚惡食轉筋名脚氣有時屈弱不能行

痰證柴胡半夏湯八十九金沸草散氣上衝

咽喉不得息者瓜蒂散吐之

食積鬲實嘔吐者食在上脘宜瓜蒂散吐之

心腹滿痛者大柴胡湯下及用治中湯百

積散百八十九

虛煩不可發汗仍不可下竹葉石膏湯百四虛煩止

用梔子升麻湯百一十陰證支節疼痛內

寒外熱虛煩者陰旦湯百廿一

脚氣脉浮而緊者起於風風者汗而愈濡而

弱者起於濕濕者溫而愈洪洪而數者起

於熱熱者下而愈遲而澁者起於寒寒者

熨而愈寒中三陽所患必冷越婢湯百六

湯入生姜自然暑中三陽所患必熱小續命

去附子桂去附子減桂一半去附子

本方九煩躁者紫雪最良脚腫木瓜散百

榔散百大便陰脾約元二百三大

三陽合病譌二首三陽有合病而三陰

傷寒合病脉浮長長是陽明浮太陽目痛鼻

乾知屬胃陽明頭疼腰痛是膀胱太陽

少陽證具悉分明脉更浮弦屬兩經浮太陽

若是弦中有長脉少陽之病合陽明弦少陽

脉浮而長者太陽陽明合病浮而弦者太

陽少陽合病弦而長外有少陽證者少陽

陽明合病也浮大者太陽脉長者

太陽陽明脾約是也大便秘堅小便利者其

脾為約脾約元惡寒者升麻葛根不惡寒

反惡熱大便秘者白虎湯不惡寒反惡熱

大便秘或譫語者調胃承氣湯太陽少陽

脇下鞭滿往來寒熱及有餘證者並與小

柴胡湯三少陽陽明因發汗因利小便已而

胃中燥實大便難也調胃承氣湯正陽陽明

病人本風盛氣實也三陽明無表證者俱

宜下大柴胡三十一大小三陽明俱宜下

惟惡寒中寒為病在經與太陽合病屬表

可發汗麻黃湯一

併病譟一首併者譬如二人博金併歸一家之義

太陽元與陽明病後併歸來作一家尚有太陽宜發汗太陽證罷下無差

太陽初得病發其汗汗先出不徹因轉屬陽明續自微汗出不惡寒者是也若發太汗不出則陽氣怫鬱不得越散當汗不汗煩躁不知痛處其人短氣但坐此緣汗出不徹故也何以知之蓋脉濇也更以麻黃湯愈之則太陽證未罷桂枝麻黃各半湯微發汗二十四太陽證罷但有陽明證者大承氣湯下之卅三

狐惑謂一首

千金方云傷寒不發汗變成狐惑證

狐惑傷寒聲啞喎唇口生瘡誠可怕上唇食藏下食肛醫師治療應無價

上唇生瘡虫食其藏或云喉曰惑下唇有

瘡虫食其肛或云陰曰狐通用治蠶桃仁湯百六十

一黃連犀角湯百一十六六雄黃鏡散百九十五

虻厥謂一首治法載三陰三陽哥厥陰證下

飢而不食名虻厥食即因而却吐虻此是胃中元積冷理中四逆及烏梅

傷寒問答四十六證歌

咳嗽一首

往來寒熱胃中滿此證誠知嗽在陽屬太陽少陽也

陰證嗽時頻下利四支沉重更清涼屬少陰

太陽證咳嗽小青龍湯二十六少陽往來

寒熱胃脇滿痛或泄痢而咳嗽小柴胡湯三十七或

湯中去棗子人參加少陰四支厥逆腹中

痛或泄利而咳嗽四逆散加五味少陰證

咳嗽真武湯百五十八四逆散主或陰四

季或小便不利或腹中嘔渴心煩不得眠  
痛或泄利重者五十六嘔渴心煩不得眠  
諸苓湯表未解心下有水乾嘔發熱而欬  
百四十小青龍湯小便不利小腹滿者小青龍湯  
二十苓二十六十八

咳逆二一名二首活人書嘔逆兩字連  
證治論千金方嘔逆兩字連呼是以嘔  
為嘔吐也大抵嘔者皆謂逆也逆氣謂  
之咳逆逆食謂之嘔逆

咳逆皆因胃有寒此名惡候古今傳橘皮半  
夏并姜附不差依方灸乳邊橘皮乾姜湯一

八十五羌活附  
子散百八十六

不差即灸之婦人屈乳頭向下盡處骨間  
丈夫及乳小者以一指為率男左女右艾  
炷如小豆許三壯陷中有動脈是穴 證  
治論云嘔噦手足逆冷者小橘皮湯嘔噦  
胃滿虛煩不安 大橘皮湯

小柴胡主陽家噦或用陳皮與竹茹即陳皮竹茹湯  
九十 腹滿須看前後部猪苓承氣莫相拘活  
書云有陽證咳逆者小  
柴胡湯橘皮竹茹主之

前後部乃大小便也前部不利猪苓湯後  
部不利調胃承氣湯陽明中風脈弦浮小便  
難潮熱而噦者小柴胡加茯苓湯四十三詳見小便條

惡風三 一首

病人衛中八方風脈緩而浮是本宗自與傷  
寒分兩證不堪例作一般攻桂枝湯九

惡寒四 一首憎寒即惡寒也

惡寒發熱發於陽陰病憎寒身體涼解表桂  
枝并越婢温中須索理中湯

發熱微惡寒者柴胡桂枝湯四十五桂發

汗後反惡寒者虛也詳見汗後惡寒條下太陽或發

熱或未發熱必惡也有汗桂枝湯九無汗

陽明證俱宜下惟惡寒中寒係與太陽病

也可汗麻黃湯一自汗出多微惡寒者表未解

也桂枝湯九少陽頭汗出而微惡寒者小柴胡湯三十

六惡寒大綱多屬表惟少陰雖惡寒而脉

必沉細也宜四逆理中輩以溫之四逆湯

理中湯五十九少陰惡寒而倦下利手足溫者建

中湯九十一惡寒而倦時時自煩不欲厚衣大柴胡湯

身體痛五 三首

脉緊而浮身體痛太陽經病不堪任更兼中濕并風濕若是陰家脉帶沉

太陽脉浮無汗當以汗解麻黃湯一尺脉遲者

血不足也黃耆建中湯九十次第浮者麻黃湯一中濕

風濕各有本條陰家脉沉身體痛四逆湯四十九真武湯百

五十八附子湯百八十二

清便自可身疼痛救元表來有桂枝若還下  
利多清穀四逆投之不必疑兩感條通

身如被杖名陰毒須向陰中調理之陰毒自有本條  
汗後有時加霍亂渾身疼痛脉沉遲自有霍亂條

汗後霍亂身痛不休少與桂枝湯桂枝湯九汗後身疼

痛脉沉遲者與黃耆建中湯九十仲景桂枝湯芍藥人參湯十八

咽喉六腎傷寒附一首

癸斑唾血成陽毒自有本條陰證明中必有瘡汗

出陰陽俱緊濇法當咽痛號亡陽

陰證者少陰也陰陽脉俱緊主無汗有汗

者曰亡陽屬少陰法當咽痛治在自汗

亡陽條 犬抵咽痛甘桔湯七十四猪不

問陰陽證皆可用也 證治論口瘡赤爛

蜜漬黃蘗燕汁二百十四又有非時暴寒

伏於少陰之經脉微弱而咽痛次必下利

古方謂之腎傷寒先用半夏桂甘湯八十三次四逆湯五

六十一二日當差應少陰經傷皆謂腎傷寒

也亦多表裏無熱但苦煩憤默默而極不欲見光明有時腹痛或脉沉細舊用四順湯古人恨其熱不堪用云腎病而體猶有熱者可服黃連龍骨湯百上九若已十餘日下利不止手足徹冷无熱證者四順湯六十四諸方書中即不曾載黃連龍骨湯亦於黃連雞子湯去雞子加龍骨半兩也四順湯元即理中湯元中加甘草一倍是也四順元六十四

筋惕肉瞤七 一首 臍上下左右有動氣者皆不可汗仍

不可下詳見不可表條中

大凡發汗過多時筋惕身瞤也要知動氣左邊須忌汗若還發汗便難醫

俱屬真武湯百五十八羸甚者去芍藥惡熱藥或

有熱證去附子虛弱人微發汗便有此證

也 吐下後身振搖者茯苓桂枝甘草白朮湯百廿九應

發汗而動氣在左不可發汗發汗則筋惕

肉瞤此為逆難治也且先服防風白朮牡蠣湯百三十

次服小建中湯九十

傷寒無汗八 一首 冬陽明詳見朝熱 陰易詳見傷

寒別名 剛產三陰大 陽共五證 並各有本條

傷寒無汗分爲七剛症三陰與大陽冬病陽

明皆係數下連陰易應魁罡

傷寒自汗九 一首 陽明證 無汗附

九般汗自傷風始風濕風温胃不和中暑亡

陽并霍亂陽明柔痙亦同科

傷風 桂枝湯九 渴者 五苓散百 不渴 茯苓甘草湯七十六

自汗出而小便難者 桂枝附子湯十三 自汗出而

小便難者 桂枝附子湯十三 自汗出而小便數者

不可行桂枝也 芍藥甘草湯七十七 風濕風温 各行本條

衛不和病人藏無他病時發熱自汗是也

桂枝湯九 中暑 自有本條 亡陽 凡發汗多而漏不止

曰漏風亡陽 桂枝附子湯十三 尺寸脉俱緊主無

汗而反汗出曰亡陽屬少陰法當咽痛 猪

湯百四九廿 四支疼而厥逆惡寒者 四逆

桔湯七十四 大抵陰病四支逆冷額上及手背冷者

法當無汗而有汗者曰亡陽 四逆湯四十九 煩躁

惡風汗出

防風白朮牡蠣湯百三十八

次服

小建中湯九十四

多不止者

溫粉撲之二百十六

霍亂手足逆冷者

四逆

湯四

有熱證而霍亂及中暑者

香薷散百八十七

信效多用

小柴胡湯三十六

依常法煎候極冷服

之效

陽明汗多而渴者

調胃承氣湯三十四

陽明

法當多汗亦有無汗者不可不知也

小

便自利者不可用承氣湯攻之

宜蜜導法二百十四

惡寒者表未解

桂枝湯九

反無汗惡寒者

升麻葛根

湯六

反無汗而喘者

麻黃湯一

柔痊

自有本條

口燥咽乾十一首

病在陽經背惡寒人參白虎療咽乾柴胡專  
主少陽證若是陰家下即安

陽經者即陽明經也又一證無大熱背微

惡寒並主燥渴

白虎加人參湯百二

少陽

小柴胡湯三十六

少陰證口燥咽乾而渴者急下之治在三

陰三陽謂少陰條

狐惑亦有咽乾證有

本條

寒熱往來十一首

往來寒熱陰陽搏大小柴胡及桂姜結熱心  
煩仍喜嘔渴兼頭汗恰相當

結熱在裏大柴胡湯三十一心煩喜嘔胃脇滿不

欲食小柴胡湯三十一渴而不嘔頭汗出而痛胃

脇滿小便不利柴胡姜桂湯四十四

似瘧十二 一首清便者大小便如常也詳見傷寒別名中

傷寒似瘧實難知脉大虛浮屬桂枝不嘔清

便兩三發急投各半最相宜

大陽證脉洪大浮者桂枝湯九不嘔清便一日

之間或再發或三發者桂枝麻黃各陽明半湯廿四

證似虐日晡發熱脉實者承氣湯廿二三脉虛者桂枝湯九

厥陰發熱惡寒似虐為欲愈桂枝麻黃各半湯二十四

婦人熱入血室其血必結故使如瘧小柴胡湯六

三十一

發狂十三 二首黑奴凡大渴燥盛倍當方可與不渴者與

之則反為禍也

煩躁狂言仍而赤熱潮咽痛號重陽便於陽

毒經中治葶藶升麻及大黃

亭歷古酒湯百五九梔子仁湯百活人書

入陽毒升麻湯 黑奴丸二百五 第四卷六問中詳 素問云重陽者狂重

陰者顛脫陽者見鬼脫陰者目盲音

血證狂言或發狂唇焦漱水遍身黃小便自

利大便黑去血須還抵當湯

漱水謂漱水不欲下咽自有本條又有因火劫

驚狂謂之火邪其人亡陽煩躁臥起不安

金匱風引湯柴胡加龍骨牡礪更捷仲景云大陽病不解熱

結膀胱其人如狂其血自下下者愈外不

解者宜桂枝湯九外已解但小腹結急者乃可

攻之桃仁承氣湯黃門中血證法治之

喘十四 二首

脉浮無汗更加喘宜與麻黃屬太陽若不惡

寒知在胃汗多潮熱下何妨

無汗喘者麻黃湯一有汗喘者葛根黃芩黃太

陽病下之微喘者表未解桂枝湯加厚朴杏子二十三

太陽病汗之後不可行桂枝汗出而喘無

大熱者麻黃附子甘草石膏湯七汗後潮熱不惡寒腹

滿而喘者陽明胃經也宜下之承氣湯三

氣三陽明脉浮而喘無汗者汗之愈麻黃湯一

汗後水停微發喘青龍加杏去麻黃二陽合

病胃中滿只用麻黃按古方

太陽汗後飲水多欬而微喘小青龍去麻黃加杏仁二

十小腹滿者小青龍去麻黃加茯苓二十八二陽者太陽

陽明也麻黃湯一喘促脉伏而厥者五味子湯百三十九

緣麻黃專主喘所以多用麻黃為之主也

渴十五一首

太陽六脉浮而渴汗是陽明利少陰陽毒陪常兼中暑其人引飲喜杯深

太陽表不解心下水氣渴者小青龍去

樓湯三十太陽病服桂枝大汗出煩渴者白虎

湯百小便不利而渴者五苓散百風濕渴

者栝樓根湯脇下滿手足温而渴者小柴

半夏加人參栝渴欲飲水水入則吐名曰

水逆五苓散主之陽明有汗不大便而嘔

舌上白胎而渴者小柴胡去半夏加人參頭

汗出而渴小便不利者必發黃茵陳五苓散百九十

二少陰咳而嘔渴者百四十四下利者白頭翁湯

百四十一太陽病無汗而渴者不可與白虎湯

宜小柴胡湯得汗後脈洪大而渴者方可

與白虎湯百一陽明病汗多而渴不可與五

苓散宜竹葉湯小便不利汗少脈浮者方

可與五苓散百一十五陽毒黑奴丸中暑白虎

參湯百二

霍亂十六一首吐而利也轉筋附

四支拘急仍兼厥發熱憎寒四逆湯吐利止而身體動桂枝和解最為良

吐利止汗出而厥四支拘急脈微欲絕者

通脈四逆加猪汗後霍亂身作痛桂枝熱

多而渴者五苓散百寒多不渴者六理中元

腹痛四支拘急下利轉筋理中湯去木加

中暑霍亂四支冷汗出脚轉筋自中

條千金方云欲得水者皆用理中湯轉筋

者理中湯加石膏六十五

讖語十七 一首

讖語元來屬胃家胃家若實下為佳三陽合病頻遺溺瘀血強言有等差

胃實讖語 下利讖語並用調胃承氣湯三十四大承

氣湯三十三小承氣湯三十七或已得汗身和讖語柴胡桂枝

渴四五三陽合病口中不仁面垢讖語遺溺

脉必滑實白虎湯瘀血狂言小便自利大

便黑小腹滿手不可近者抵當湯百二十

赤不欲噦大抵讖語是熱屬陽反見陰證條並通

者逆 婦熱入血室讖語刺期門小柴胡湯三十

六喜忘小便滿小便利抵當湯百廿濕溫四血結胃通

一證苦妄言自有本條大便秘讖語不惡寒反

惡熱白虎湯百一

下利十八 三首三陽下利則身熱太陰下利手足溫少陰

厥陰下利身不熱也

傷寒下利多般數須辨陰陽勿差互惟有陽

明合少陽若還剋賊名為負

腎虛下利苦咽乾渴而利也此屬少陰不渴誠知藏有

寒屬太陰協熱腸垢胃寒清穀并温毒血利而識

語下之安下利而識語者有燥

太陽陽明合病脉浮大而長下利者葛根湯六

六太陽少陽合病下利脉必浮而弦黃芩湯百

六嘔者湯中加半夏生姜也 少陽陽明

合病下利胃脇滿乾嘔或往來寒熱也脉

長大而弦者為負負者死但長大而不弦

為順 脉數而滑或遲而滑者有宿食宜

下小承氣湯自利不渴屬太陰四逆湯四

元六 自利而渴屬少陰 脉微者白虎湯

下逆脉不至者白虎猪膽汁湯百卅一咳

而嘔渴心煩不得眠猪苓湯三陰下利法

當温之若自利清水心下痛口乾燥者即

宜下不可不知也 温之四逆理中輩一

下之大柴胡承氣也 三陽下利亦有飲

水者乃有熱也治如腸下利心中痞痞而

下利

大便秘結雖宜下亦有諸般不可攻腸垢

溘分冷熱不妨步躡古人蹤

華他云寒即溘熱即垢古人云歲火不及

寒乃大行民病驚溘 應大便鞭結宜下

之若有表證及不可下之證即依法調之

自有不腸垢即熱也協熱而利臍下必熱

黃芩湯百六白頭翁湯百六鴨溘者寒也協

四十一赤石脂丸二百六 鴨溘者寒也協

寒而利臍下必寒 四逆湯四十九 溫毒者

膿血 桃花湯百七十二地榆散二

發黃十九 二首 黃即瘧也

小便自利大便黑血證無疑定發狂若是小  
便全不利黃名瘧病瘧名黃

血證 抵當也 輕者 桃仁承氣湯三十五 黃

瘧 茵陳湯云七十五茵 犀角地黃湯百卅三

太陽發熱渾身痛身目俱黃是濕家腹滿脉

弦心脇痛陽明經裏中風邪

仲景云傷寒發汗已身目為黃所以然者

以寒濕在裏不解故也只當於濕中求之

自中 發熱一身尽痛而身目俱黃者太

陽中濕也 腹滿鼻乾心脇痛潮熱身黃

者陽明中風也 濕家 梔子葉皮湯百九

八湯欲發黃者急用瓜蒂末一字許搐鼻中

治在頭爽大抵發黃與濕家不利小便非

其治也 腹滿脉浮弦咳嗽潮熱小便難

心脇疼短氣鼻中乾不得汗嗜卧此陽明

中風也 小柴胡湯噦者湯中加伏苓也 小見

便難

發斑二十一首 下之太早熱氣承虛

也 斑也 熱也 病是陽證而誤下熱藥即發黃發

溫毒成斑肌肉焦黑膏一劑毒須消若還熱

毒乘虛出疹豆斑瘡別有條 膏

大抵發斑不可用表藥蓋表虛裏實若發

其汗重令開洩增斑爛也 咽痛 玄參升

五十斑出 大青四物湯又名河膠 又方 膽

雞子湯百 近用 升麻葛根湯 下部生瘡咳

而不利嘔吐清汁眼赤口瘡者 黃連 枳皮

斑瘡豌豆 黃連一物煮濃汁又方好香  
水服之二又方青木香煮濃汁瘡出煩疼  
百廿二物木香湯百五十一犀角大青湯  
者三十二芒硝猪膽塗瘡法二日十三  
證治論用化斑湯乃白虎加人參孫兆用  
紫雪方第七二有下證者調胃承氣

醫方類聚卷之三十一

